

資治通鑑補

資治通鑑補卷一百九十五

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

唐紀十一

起十一年五月盡十四年凡三年有奇

太宗文武大聖大廣孝皇帝中之上

貞觀十一年五月壬申魏徵上疏以爲陛下欲善之志不減於昔時改過之心少虧於曩日譴罰積多威怒微厲乃知貴不期驕富不期侈非虛言也臣聞刑賞之本在於勸善而懲惡帝王與天下畫一不以親疎貴賤而輕重也今之刑賞未必盡謬然或屈伸在乎好惡輕重由乎喜怒遇喜則矜其刑於法中逢怒則求其罪

於事外所好則鑽皮出其羽毛所惡則洗垢求其癥痕刑誤則小人道長而惡不之懲賞謬則君子道消而善不知勸是以州縣上下其手楚國之法遂差張湯輕重其心漢朝之刑以弊人臣之頗僻猶然況人主之心而可以有所左右乎且我之所代實在有隋隋氏亂亡之源聖明之所洞照以隋氏之甲兵況當今之士馬以隋代之府藏譬今日之資儲以隋氏之戶口校今時之百姓度長絜大曾何等級然隋氏以富強而喪敗動之也我以貧寡而安甯靜之也靜之則安動之則危安危之機非隱而難見也而鮮蹈平易之塗多遵覆車之轍何哉在于治不慮亂存不慮亡之故也昔隋之未亂也自謂必無亂其未亡也自謂必無亡故賦役無窮征伐不息以至禍將及身而尚未之寤也夫鑒形莫如止水鑒敗莫

如亡國伏願取鑒於隋去奢從約親忠遠佞以當今之無事行時
昔之恭儉則盡善盡美固無得而稱焉夫取之實難守之甚易陛
下能得其所難豈不能保其所易乎 六月右僕射虞恭公溫彥
博薨彥博幼聰悟涉獵書記有口辯善于宣吐每奉使入朝詔問
四方風役隨問而答有若成誦聲韻高朗響溢殿庭進止雍容觀
者拭目自掌機務卽杜絕賓客國之利害知無不宣上謂侍臣曰
彥博以憂國之故精神耗竭我見其不逮已二年矣恨不縱其安
逸竟天天年 丁巳上幸明德宮 己未詔荊州都督荆王元景
等二十一王所任刺史咸令子孫世襲戊辰又以功臣長孫無忌
等十四人爲刺史亦令世襲非有大故無得黜免 徙任城王道
宗爲江夏王趙郡王孝恭爲河間王 己巳徙許王元祥爲江王

秋七月癸未大雨穀洛溢入洛陽宮

按唐六典洛陽都城隋大業二年詔楊素宇文愷移

故都創造南直伊闕之口北倚邙山之塞東出瀍水之東西踰澗水之西洛水貫都有河漢之象焉東去故都十八里都城西連禁苑穀洛二水會于禁苑之閒至元宗開元二十四年以穀洛二水或泛溢疲費人功遂出內庫和雇修三陂以禦之一曰積翠二曰月陂三曰上陽爾後壞官寺民居溺死者六千餘人魏徵上疏二水無勞役之患

以爲文子曰同言而信信在言前同令而行誠在令外

漢書藝文志曰文子

老子弟子與孔子並時

然則言而不行言不信也令而不從令無誠也自王

道休明十有餘年陛下求治之心不爲不殷然而德化未洽者由待下之情未盡誠信故便佞之徒得肆其巧辯謂同心者爲朋黨謂告訐者爲至公謂強直者爲擅權謂忠讜者爲誹謗謂之朋黨雖忠信而可疑謂之至公雖矯僞而無咎強直者畏擅權之議忠讜者慮誹謗之尤至于竊斧生疑投杼致惑正人不得盡其言大

臣莫能與之諍焚或視聽鬱於大道妨化損德其在茲乎且君子小人貌同心異君子掩人之惡揚人之善臨難無苟免殺身以成仁小人不恥不仁不畏不義惟利所在危人以自安夫苟有意危人何所不至今立政致治必委之君子事有得失或訪之小人其待君子也敬而疎遇小人也輕而狎狎則言無不盡疎則情或不通夫中智之人豈無小慧然才非經國慮不及遠雖竭力盡誠猶未免有敗況內懷姦宄而承顏順旨其爲禍豈不深乎故孔子曰君子或有不仁者焉未有小人而仁者然則君子不能無小過不害於正道小人亦或有小善無益於效忠今旣謂之君子奚而復疑其不信何異立直木而疑其影之曲乎晉齊桓公問於管仲曰吾欲使酒腐于爵肉腐于俎得無害於霸乎管仲曰此極非其善

者然亦無害霸也公曰何如而害霸乎曰不能知人害霸也知而不能用害霸也用而不能信害霸也既信而又使小人參之害霸也晉中行穆伯攻鼓經年而不能下餽閒倫曰鼓之裔夫閒倫知之請無疲士大夫而鼓可得穆伯不應左右曰不折一戟不傷一卒而鼓可得君奚爲不取穆伯曰閒倫之爲人也佞而不仁若閒倫下之吾不可以不賞賞之是賞佞人也佞人得志是使晉國之人捨仁而爲佞雖得鼓將安用之夫穆伯列國大夫管子霸者之佐猶慎于信任遠避佞人也如此況乎四海之大君爲千齡之上聖而可令有闕然乎陛下誠能慎選君子以禮信用之何憂不治不然危亡之期未可保也上賜手詔褒美曰昔晉武帝平吳之後志意驕怠何曾位極台司不能直諫乃私語子孫自矜明智

事見八十一

七卷晉懷帝
永嘉三年

此不忠之大者也得公之諫朕知過矣當置之几案

以比弦韋

乙未車駕還洛陽

自明德宮還洛陽宮

詔洛陽宮爲水所毀者

少加修繕纔令可居自外眾材給城中壞廬舍者令百官各上封
事極言朕過中書侍郎岑文本上封事曰今雖億兆又安方隅甯
謐然承喪亂之後又接凋弊之餘戶口減損尙多田疇墾闢猶少
瘡痍未復資產屢空是以古人譬之種樹年祀綿遠則枝葉扶疎
若種之日淺根本未固雖壅之以黑壤暖之以春日一人搖之必
致枯槁今之百姓頗類于此常加含養則日就滋息暫有征役則
隨而凋耗伏願陛下慎選舉明賞罰進賢才退不肖聞過卽改從
諫如流爲善在于不疑出令期於必信願神養性省敗游之娛去
奢從儉減工役之費雖使桑穀爲妖龍蛇作孽雉雉于鼎石言于

晉猶當轉禍爲福變咎爲祥況水雨之患陰陽常理又何足以繫聖心哉壬寅廢明德宮及飛山宮之元圃院給遭水者 八月甲子上謂侍臣曰上封事者皆言朕游獵太頻今天下無事武備不可忘朕時與左右獵於後苑無一事煩民夫亦何傷魏徵曰先王唯恐不聞其過陛下既使之上封事祇可恣其陳述苟其言可取固有益於國若其無取亦無所損上曰公言是也皆勞而遣之侍御史馬周上疏以爲三代及漢歷年多者八百少者不減四百良以恩結人心人不能忘故也自魏晉以降多者六十年少者纔二十餘年皆無恩於人本根不固故也陛下雖以大功定天下而積德日淺當隆禹湯文武之道爲子孫立萬代之基豈得但持當年而已哉古之明王聖主雖因人設教寬猛隨時然大要惟以節

儉于身恩加千人二者是務今承大亂之後戶口不及隋之什一而供徭給役者兄去弟還道路相繼遠者往來五六千里春秋冬夏略無休息陛下雖加恩詔使之裁損然營繕不休有司不得廢作徒行文書役之如故臣每訪問四五年來百姓頗有嗟怨之言以爲陛下不存養之此實可爲憂懼昔漢之文景恭儉養民故百姓安樂武帝承其豐富之資窮奢極欲民遂不堪然亦不至於亂者文景遺德猶在人心也竊使高祖之後卽傳武帝漢室安得久存乎又京師及四方所造乘輿器用及諸王妃主服飾議者皆不以爲儉夫味爽不顯後世猶怠

左傳晉叔向引譏鼎之銘以爲言杜預注曰昧旦早起也不大也言

夙興以務大顯後世猶懈怠

作法于治其弊猶亂陛下少居民間知民疾苦尙

德如此況皇太子生長深宮不更外事萬歲之後固聖慮所當憂

也臣觀自古以來百姓愁怨聚爲盜賊其國未有不亡者人主雖欲追改不能復全故凡修政者當修於可修之時若事變一起而後悔之則無益矣然人主於前代之失則知之未有能知其身之失者蓋幽厲嘗笑桀紂矣煬帝亦笑周齊矣不可使後之笑今如今之笑煬帝也貞觀之初天下饑歉斗米直匹絹而百姓不怨者知陛下憂念不忘故也今比年豐穰匹絹得粟十餘斛而百姓怨咨者知陛下不復念之多營不急之務故也自古以來國之興亡不以畜積多少在於百姓苦樂且以近事驗之隋貯洛口倉而李密囚之東都積布帛而世充資之西京府庫亦爲國家之用至今未盡夫畜積固不可無要常人有餘力然後收之不可強斂以資寇敵也夫儉以息人陛下已於貞觀之初親所履行在於今日爲

之固不難也陛下必欲爲久長之謀不必遽求上古但如貞觀之初則天下幸甚又陛下寵遇諸王頗有過厚者萬代之後不可不深思也晉魏武帝愛陳思王及文帝卽位囚禁諸王但無縲紲耳然則武帝愛之適所以苦之也且帝子身食大國何患於貧而歲別優賜會無限極里語曰貧不學儉富不學奢言自然也今大聖創業豈惟處置見子弟而已哉當制長久之法使萬代奉行也又百姓所以治安唯在刺史縣令縣令旣眾不能皆賢但州得良刺史則縣令不憂其不賢故天下刺史得人則陛下可以端拱無爲矣今朝廷唯重內官而輕州縣之選刺史多用武夫勲人或京官不稱職始補外任邊遠之處用人更輕所以百姓未安殆由於此疏奏上稱善久之謂侍臣曰刺史朕當自選縣令宜詔京官五品

已上各舉一人先是京城諸街每至晨昏遣人傳呼警眾周置鼓

以代之謂之鼕鼕鼓時人便之上益加賞勞 元月丁亥河溢壞

陝州河北縣毀河陽中渾渾音但上幸白司馬阪觀之賜瀕河遭水

家粟帛 冬十月癸丑詔勦賊亡者皆陪葬山陵 上獵於洛陽

苑唐六典洛陽苑在都城之西北距北邙西至孝水南帶洛水支渠穀洛二水會於其間東面十七里南面三十九里西面五十

里北面二十里周迴一百二十六里有羣豕突出林中上引弓四發殪四豕有豕突

前及馬鐙民部尚書唐儉投馬搏之上拔劍斬豕顧笑曰天策長

史不見上將擊賊邪武德中帝開天策上將府以唐儉爲長史何懼之甚對曰漢高祖

以馬上得之不以馬上治之陛下以神武定四方豈復逞雄心於

一獸上悅爲之罷獵尋加光祿大夫 安州都督吳王恪數出畋

獵頗損居人侍御史柳範奏彈之丁丑恪坐免官削戶三百上曰

長史權萬紀事吾兒不能匡正罪當死柳範曰房元齡事陛下猶不能止豈獵豈得獨罪萬紀上大怒拂衣而入久之獨引範謂曰何而折我對曰臣聞主聖則臣直陛下仁明臣不敢不盡愚直上悅十一月辛卯上幸懷州乙未獵于濟源丙午還洛陽宮故荊州都督武士護女年十四上聞其美召入後宮爲才人武氏初被召母楊氏慟哭與訣武氏曰見天子庸知非福何兒女悲乎言笑自如既入見賜號武媚爲武氏乳唐張本考異曰舊則天本紀崩時年八十三唐歷焦瑤唐朝年代紀統紀馬總唐年小錄聖澤圖會要皆云入十一唐懿政要貞觀十三年入宮據武氏入宮年十四今從吳兢實錄爲八十二故置此年

是歲詔尊孔子爲宣父立廟于兗州

咸貞觀十二年春正月乙未禮部尚書王珪奏三品已上遇親王於路皆降乘非禮上曰卿輩苟自崇貴輕我諸子特進魏徵曰諸

王位次三公今三品皆九卿八座爲王降乘誠非所宜當上曰人生壽夭難期萬一太子不幸安知諸王它日不爲公輩之主何得輕之對曰自周以來皆子孫相繼不立兄弟所以絕庶孽之窺竊塞禍亂之源本此爲國者所深戒也上乃從珪奏 吏部尙書高士廉黃門侍郎韋挺禮部侍郎令狐德棻中書侍郎岑文本撰氏族志成上之先是山東人士崔盧李鄭諸族好自矜地望雖累葉陵夷苟他族欲與爲昏姻必多資財幣或捨其鄉里而妄稱名族或兄弟齊列而更以妻族相陵上惡之命士廉等徧責天下譜牒質諸史籍考其眞僞辨其昭穆第其甲乙褒進忠賢貶退姦逆分爲九等士廉等以黃門侍郎崔幹爲第一上曰漢高祖與蕭曹樊灌皆起閭閻布衣卿輩至今推仰以爲英賢豈在世祿乎高氏偏

據山東梁陳僻在江南雖有人物蓋何足言況其子孫才行衰薄
官爵陵替而猶印然以門地自負販鬻松楸依託富貴棄廉忘恥
不知世人何爲貴之今二品以上或以德行或以勲勞或以文學
致位貴顯彼衰世舊門誠何足慕而求與爲婚雖多輸金帛猶爲
彼所偃蹇我不知其解何也今欲釐正訛謬捨名取實而卿曹猶
以崔幹爲第一是輕我官爵而徇流俗之情也乃更命刊定專以
今朝品秩爲高下於是以皇族爲首外戚次之降崔幹爲第三凡
二百九十三姓千六百五十一家頒於天下 壬寅松叢二州地
震壞人廬舍 二月乙卯車駕西還自洛陽西還長安 癸亥幸河北觀砥
柱勒銘以紀功德自西還便道幸河北觀砥柱漢晉屬河東郡後魏置河北郡隋廢郡復爲縣屬蒲州縣南河
中有砥柱山貞觀元年以河北縣度屬陝 甲子巫州獠反貞觀元年
州括地志曰鄭州河北縣本漢大陽縣

分辰州之龍標縣置巫州標縣置巫州夔州都督齊善行敗之俘男女三千餘口 乙丑上

祀禹廟丁卯至柳谷觀鹽池禹都安邑後人立廟於其地安邑有鹽池則柳谷亦當在安邑庚午

至蒲州刺史趙元楷課父老服黃紗單衣迎車駕盛飾廨舍樓觀

又飼羊百餘頭魚數百頭以饋貴戚上敕之曰朕巡省河洛凡有

所須皆資庫物卿所爲乃亡隋之弊俗也甲戌幸長春宮 戊寅

詔曰隋故鷹擊郎將堯君素雖桀犬吠堯有乖倒戈之志而疾風

勁草實表歲寒之心可贈蒲州刺史仍訪其子孫以聞 閏月庚

辰朔日有食之 丁未車駕至京師 三月辛亥著作佐郎鄧世

隆表請集上文章上曰朕之辭令有益於民者史皆書之足爲不

朽君爲無益集之何用梁武帝父子陳後主隋煬帝皆有文集行

於世何救於亡爲人主患無德政文章何爲遂不許 丙子以皇

孫生宴五品以上於東宮上曰貞觀之前從朕經營天下元齡之功也貞觀以來繩愆糾繆魏徵之功也皆賜之佩刀上謂徵曰朕政事何如往年對曰威德所加比貞觀之初則遠矣人心悅服則不逮也上曰遠方畏威慕德故來服若其不逮何以致之對曰陛下往以未治爲憂故德義日新今以旣治爲安故不逮上曰今所爲猶往年也何以異對曰陛下貞觀之初恐人不諫常導之使言中閒悅而從之今則不然雖勉強從之猶有難色所以異也上曰其事可聞歟對曰陛下昔欲殺元律師孫伏伽以爲法不當死陛下賜以蘭陵公主園直百萬或云賞太厚

蘭陵公主上女也下嫁寶懷慈上以其國賞孫

伏伽陛下云朕卽位以來未有諫者故賞之此導之使言也司戶柳雄妄訴隋資

隋資隋朝所授官資也

陛下欲誅之納戴胄之諫而止是悅而

從之也近皇甫德參上書諫脩洛陽宮陛下恚之雖以臣言而罷
勉從之也上曰非公不能及此人苦不自知耳 夏五月壬申宏

文館學士永興文懿公虞世南卒

唐六典宏文館學士無員數後漢有東觀魏有崇文館宋元嘉

有元史兩館宋素怡至齊永明有總文館梁有士林館北齊有文
林館後周有崇文館或典校理或司撰著或兼訓生徒若今宏文
館之任也武德初置修文館武德世南字伯施性沈靜寡慾篤志
未改爲宏文館永興縣屬鄆州

勤學少與兄世基受學於吳郡顧野王經十餘年精思不倦或累
旬不照櫛文章婉縟祖述徐陵陵亦言世南得己之意又沙門智
永善王羲之書世南師焉妙得其體由是聲名籍甚出後叔父寄
寄陷于陳寶應在閩越中世南布衣蔬食以喪禮自居至太建末
寶應平寄還方釋布食肉陳滅與世基同入長安俱有重名時人
方之二陸大業初爲秘書郎煬帝雖愛其才而疾其峭正十年不

徙時世基當朝貴盛妻子被服擬於王者世南雖同居而躬履勤
儉不失素業武德中與房元齡對掌文翰上嘗欲寫列女傳以裝
屏風于時無本世南暗疏之不失一字上嘗出行有司請載副書
以從上曰不須虞世南在此行祕書也上重其博識每機務之隙
隙音隙引之談論共觀經史世南雖容貌儒悞若不勝衣而志性抗
烈每論及古先帝王爲政得失必存規諷多所補益上嘗作宮體
詩使世南廣和世南對曰聖作誠工然體非雅正上之所好下必
有甚者臣恐此詩一傳天下風靡不敢奉詔上嘗稱世南有五絕
一德行二忠直三博學四文辭五書翰及至上哭之慟手勅魏王
泰曰虞世南于我猶一體也吾有小失必犯顏諫諍實當代名臣
人倫準的今忽云亡石渠東觀之中無復人矣未幾爲詩一首追

述往古興亡之道既而歎曰鍾子期死伯牙不復鼓琴朕之此詩將以誰示乃令起居郎褚遂良詣其靈帳讀訖焚之後又夢見世南有若平生兼進讜言翊日下制厚恤其家 秋七月癸酉以吏部尚書高士廉爲右僕射 乙亥吐蕃寇松州 八月霸州山獠

反按天寶元年招附生羌置靜戎郡乾元元年方置霸州又松州都督府所管党項羈縻州有霸州然當以其酋豪爲刺史而此霸州又是儀鳳二年松州加督三十八州之數燒殺刺史向邵陵及吏民百餘家 初上

遣使者馮德遐撫慰吐蕃吐蕃聞突厥吐谷渾皆尙公主遣使隨德遐入朝多齎金寶奉表求婚上未之許使者還言於贊普棄宗弄讚曰臣初至唐唐待我甚厚許尙公主會吐谷渾王入朝相離間唐禮遂衰亦不許婚弄讚遂發兵擊吐谷渾吐谷渾不能支遁於青海之北民畜多爲吐蕃所掠吐蕃進破党項白蘭諸羌帥眾

二十餘萬屯松州西境遣使貢金帛云來迎公主尋進攻松州敗

都督韓威羌酋閭州刺史別叢臥施諾州刺史把利步利竝以州

叛歸之

貞觀五年以党項降羌置羈縻州有閭州諾州皆屬松州都督府無閭州

連兵不息其大臣諫

不聽而自縊者凡八輩壬寅以吏部尚書侯君集爲當彌道行軍

大總管甲辰以右領軍大將軍執失思力爲白蘭道左武衛將軍

牛進達爲闕水道左領軍將軍劉蘭爲洮河道行軍總管督步騎

五萬擊之吐蕃攻城十餘日進達爲先鋒九月辛亥掩其不備敗

吐蕃於松州城下

宋白曰松州之地漢魏諸羌居之及晉內附以其地屬汝山郡後魏時鄧至王僕舒彭據之遣

使朝貢始置甘松縣

後周置龍洞防斬首千餘級弄讚懼引兵退

唐置松州去長安二千二百五十里

遣使謝罪因復請婚上許之甲寅上問侍臣創業與守成孰難

房元齡曰草昧之初

易曰天造草昧王弼註云造物之始始於冥昧故曰草昧也

與羣雄並起

角力而後臣之創業難矣魏徵曰自古帝王莫不得之於艱難失之於安逸守成難矣上曰元齡與吾共取天下出百死得一生故知創業之難徵與吾共安天下常恐驕奢生於富貴禍亂生於所忽故知守成之難然創業之難既已往矣守成之難方當與諸公慎之元齡等拜曰陛下及此言四海之福也初突厥頡利既亡

北方空虛薛延陀真珠可汗帥其部落建庭於都尉健山北獨邏

水南

按薛延陀建庭之地有鬱督軍山東南距京師僅三千里而

處新書曰烏德健山左右墜昆河獨邏河皆屈曲東北流昆在南獨邏在北過回紇牙帳東北五百里而合流勝兵二十萬立其二子拔灼頡利苾主

南北部

苾音別又音獨又音密

上以其疆盛恐後難制癸亥拜其二子皆爲

小可汗各賜鼓纛外示優崇實分其勢冬十月乙亥巴州獠反

後漢於宕渠北界置漢昌縣後魏於縣置大谷郡又於郡北置巴州隋改爲消化郡唐復爲巴州

己卯敗於始

平賜高年粟帛

舊唐書平縣屬扶風府分立於平郡後魏復乙爲縣屬扶風府屬京兆九域志在府西八十里

未還京師

鈞州獠反遣桂州都督張寶德討平之十一月丁

未初置左右屯營飛騎於元武門以諸靈將軍領之又簡飛騎才

力驍健善騎射者號百騎衣五色袍乘駿馬以虎皮爲韉凡游幸

則從焉

己巳明州獠反

吳置越婁縣屬九德郡以古越婁之地也隋屬驩州日南郡武德五年以越婁

地置明州遣交州都督李道彥討平之道彥尋卒道彥事親孝謹初義

師起父神通逃難被疾于山谷縣歷數旬山中食盡道彥著麻服

出人閒乞丐及採野實以進身無所啜其父分以食之輒詐言已

陷而覆藏畱之以備闕乏貞觀初爲岷州都督以父喪解廬于墓

側負土成墳躬植松柏容貌衰毀雖親友不復識之十二月辛

巳遷右武侯將軍上官懷仁擊反獠於壁州

後漢和帝分宕渠之東置宣漢縣梁分宣

漢置始甯縣元魏分始甯縣置諸水縣武大破之虜男女萬餘口
德八年分巴州之始甯縣置驪州始甯郡

是歲以給事中馬周爲中書舍人周有機辯深識事端動無不

中上嘗曰我於馬周暫爾不見便思之不忘中書侍郎岑文本嘗

稱馬君論事援引事類揚榷古今毛晃曰揚榷大舉又舉要刪煩

會文切理一字不可增亦不可減聽之靡靡令人忘倦雖蘇張終

賈未易過也然薦肩火色騰上必速恐不能久耳爲貞觀二十二年馬周卒張本

霍王元軌好讀書恭謹自守舉措不妄爲徐州刺史與處士劉

元平爲布衣交人問元平王所長元平曰無長問者怪之元平曰

夫人有所短乃見所長至於霍王無所短吾何以稱其長哉王嘗

問羣臣曰朕子弟孰賢魏徵對曰臣愚闇不盡知其能唯霍王數

與臣言未嘗不自失上曰朕亦器之卿以爲前代誰比徵曰經學

文雅漢之河間東平也至孝行曾閔不能過嘗從上游獵遇羣豕
突出上使射之管不虛發上撫其背曰汝武藝過人恨今無所施
耳方天下未定得若豈不美乎高祖崩元軌毀瘠過禮服除遂菜
食布衣終身每至忌辰輒累日不食元軌嘗使國令徵封令白請
依諸國賦物貿易取利元軌曰汝爲國令當正吾失反導吾以利
邪拒而不納初西突厥咥利失可汗分其國爲十部每部有酋
長一人仍各賜一箭謂之十箭又分左右廂左廂號五咄陸置五
大噉居碎葉以東右廂號五弩失畢置五大俟斤居碎葉以西通
謂之十姓咄陸五噉號處本昆律噉胡祿屋闕噉攝舍提噉噉突
驍施賀邏施噉鼠尼施處半噉弩失畢五俟斤號阿悉
結蘭俟斤哥舒蘭俟斤拔寒幹噉沙鉢俟斤阿悉結泥孰俟斤哥
舒處半俟斤碎葉城在焉耆碎葉川出安西西北千里至碎葉杜
佑曰碎葉川長千餘里東頭咥利失失衆心爲其臣統吐屯所襲
有熱海西頭有怛邏斯城

咥利失兵敗與其弟步利設走保焉耆

新書曰焉耆國直京師西七千里而龜茲六百里縱

四百里其國東高昌西龜茲南尉黎北烏孫漢舊國也

統吐屯等將立欲谷設爲大可汗會

統吐屯爲人所殺欲谷設兵亦敗咥利失復得故地至是西部竟立欲谷設爲乙毗咄陸可汗乙毗咄陸旣立與咥利失大戰殺傷甚眾因中分其地自伊列水以西屬乙毗咄陸以東屬咥利失

處月處密與高昌共攻拔焉耆五城掠男女一千五百人焚其廬

舍而去

爲代高昌張本

是歲左武衛大將軍翼國公秦叔寶薨叔寶少

爲隋將來護兒帳內喪母護兒遣使弔之軍吏怪曰士卒死亡及遭喪者多矣獨弔叔寶何也護兒曰此人勇悍加有志節必當自取富貴豈得以卑賤處之及降唐每從上征伐凡敵中有驍將銳士炫曜人馬出入來去者上輒命叔寶往取之叔寶應命負槍而

進必刺之萬乘之中人馬辟易其所持槍踰越常制從上聞王世充于洛陽馳馬頓槍于城下而去城中數千人共拔不能動叔寶復馳馬舉之以還其後每多疾病因謂人曰吾少長戎馬所經二百餘陣屢中重創計前後所出血蓋數斛矣安得不病乎

紀貞觀十三年春正月乙巳車駕謁獻陵丁未還宮 戊午加左僕射房元齡太子少師元齡自以居端揆十餘年男遺愛尚上女高陽公主女爲韓王妃深畏滿盈上表請解機務上不許元齡固請不已詔新表乃就職太子欲拜元齡設儀衛待之元齡不敢謁見而歸時人美其有讓元齡以度支繫天下利害嘗有闕求其人未得乃自領之 禮部尙書永甯懿公王珪薨珪幼孤志量沈深能安於貧賤體道履正交不苟合季父頗有人倫鑒嘗謂所親曰

太宗貞觀十三年

門戶所寄惟此兒耳珪微時與杜如晦房元齡善母李嘗謂之曰而後必貴然未知所與友者何如人而試與偕來會元齡等過其家李親見大驚敕具酒食盡歡終日曰二客皆公輔才而貴無疑矣珪性寬裕雖僕妾未嘗見其喜愠之色宗姻困匱多所周恤而自奉養甚薄於令三品已上皆立家廟珪通貴已久獨祭于寢爲法司所劾上不問命有司爲之立廟以愧之 二月庚辰以光祿大夫尉遲敬德爲鄜州都督上嘗謂敬德曰人或言卿反何也對曰臣反是實臣從陛下征伐四方身經百戰今之存者皆鋒鏑之餘也天下已定乃更疑臣反乎因解衣投地出其瘡痍上爲之流涕曰卿復服朕不疑卿故語卿何更恨邪上又嘗謂敬德曰朕欲以女妻卿何如敬德叩頭謝曰臣妻雖鄙陋相與其貧賤久矣臣

雖不學聞古人富不易妻此臣之所願也上乃止 戊戌尚書奏

近世掖庭之選或微賤之族禮訓茂聞謂由侍兒及歌舞得進者或刑戮之家

憂怨所積謂坐沒入掖庭者謂自今後宮及東宮內職有關皆選良家有

才行者充以禮聘納其沒官口及素微賤之人皆不得補用上從

之上既詔宗室羣臣襲封刺史左庶子于志甯以爲古今事殊

恐非久安之道上疏爭之侍御史馬周亦上疏以爲堯舜之父猶

有朱均之子儻有孩童嗣職萬一驕愚兆庶被其殃而國家受其

敗正欲絕之也則子文之治猶在左傳楚鬬椒作亂莊王城若敖氏既而思子文之治楚國也曰

子文無後何以勸善使其孫箴尹克黃復其所正欲爾之也而樂厭之惡已彰左傳秦伯問於士鞅

曰晉大夫其誰先亡對曰其欒氏乎欒黶汰虐已甚猶可以免其在盈乎秦伯曰何故對曰武子之德在民如周人之思召公焉愛

其甘棠況其子乎欒黶死盈之善未及民武子所施沒矣而厭之怨實彰將于是乎在與其毒害於見存之

太宗貞觀十三年

百姓則甯使割恩於已亡之一臣明矣然則向所謂愛之者乃適所以傷之也臣謂宜賦以茅土疇其戶邑必有材行隨器授官使其人得奉大恩而子孫終其福祿會司空趙州刺史長孫無忌等皆不願之國上表固讓稱承恩以來形影相弔若履春冰宗族憂虞如賓湯火緬惟三代封建蓋由力不能制因而利之禮樂節文多非已出兩漢罷侯置守蠲除彙弊深協事宜今因臣等復有變更恐紊朝綱紀且後世愚幼不肖之嗣或抵冒邦憲自取誅夷更因延世之賞致成勦絕之禍良可哀愍願停渙汗之旨賜其性命之恩無忌又因子婦長樂公主固請於上且言臣披荊棘事陛下今海內甯一奈何棄之外州與遷徙何異上曰割地以封功臣古今通義意欲公之後嗣輔朕子孫其傳永久而公等乃復發言

怨望朕豈強公等以茅土邪庚子詔停世封刺史 高昌王麴文

泰多遏絕西域朝貢伊吾先臣西突厥既而內屬

事見一百九十三卷四年

文

泰與西突厥其擊之上下書切責徵其大臣阿史那矩欲與議事

文泰不遣遣其長史麴雍來謝罪頡利之亡也中國人在突厥者

或奔高昌詔文泰歸之文泰蔽匿不遣又與西突厥其擊破焉耆

焉耆訴之

掠焉耆見上卷六年又見上年

上遣虞部郎中李道裕往問狀

虞部郎中掌京城

街巷種植山澤苑囿草木薪炭供頓田獵之事屬工部

且謂其使者曰高昌數年以來朝貢

脫略無藩臣禮所置官號皆準天朝築城掘溝預備攻討我使者

至彼文泰語之云鷹飛于天雉伏于蒿貓游于堂鼠安于穴各得

其所豈不能自活邪又遣使謂薛延陀曰既爲可汗則與天子匹

敵何爲拜其使者事人無禮又開鄰國爲惡不誅善何以勸明年

當發兵擊汝三月薛延陀可汗遣使上言奴受恩思報請發所部
爲軍導以擊高昌上遣民部尙書唐儉右領軍大將軍執失思力
齎綰帛賜薛延陀與謀進取夏四月戊寅上幸九成宮初突厥
突利可汗之弟結社率從突利入朝歷位中郎將居家無賴怨突
利斥之乃誣告其謀反上由是薄之久不進秩結社率陰結故部
落得四十餘人謀因晉王治四鼓出宮開門辟仗馳入宮門直指
御帳可有大功甲申擁突利之子賀邏鶻夜伏於宮外會大風晉
王未出結社率恐曉遂犯行宮踰四重幕弓矢亂發衛士死者數
十人折衝孫武開等帥眾奮擊久之乃退馳入御殿盜馬二十餘
匹北走度渭欲奔其部落追獲斬之原賀邏鶻投于嶺表庚寅
右武候將軍上官懷仁擊巴壁洋集四州反獠平之虜男女六十

餘口 五月甲寅詔五品以上上封事魏徵上疏以爲陛下志業比貞觀之初漸不克終謹用條陳以裨萬分之一陛下在貞觀初清淨寡欲化被荒外今萬里遣使市索駿馬并訪珍怪此不克終一漸也陛下在貞觀初護民之勞煦之如子頃既奢肆思用人力乃曰百姓無事則易驕勞役則易使自古未有因百姓逸而敗勞而安者此不克終二漸也陛下在貞觀初役己以利物比來縱欲以勞人雖愛人之言不絕于口而樂身之事實切於心此不克終三漸也陛下在貞觀初親君子斥小人比來輕褻小人禮重君子重君子也恭而遠之輕小人也狎而近之近之莫見其非遠之莫見其是莫見其是則不閒而疎莫見其非則有時而昵此不克終四漸也陛下在貞觀初不貴異物不作無益而今難得之貨雜

然竝進玩好之作無時而息此不克終五漸也陛下在貞觀初求士如渴賢者所舉卽信而任之取其所長常恐不及比來由心好惡以眾賢舉而用以一人毀而棄雖積年信而任或一朝疑而斥此不克終六漸也陛下在貞觀初高居深拱無田獵畢弋之好數年之後志不克固鷹犬之貢遠及四夷此不克終七漸也陛下在貞觀初遇下有禮羣情上達今外官奏事顏色不接閒因所短詰其細過此不克終八漸也陛下在貞觀初孜孜治道常若不足比恃功業之大負聖智之明長傲縱欲無事興兵問罪遠裔此不克終九漸也陛下在貞觀初頻年霜旱畿內戶口扶老攜幼就食關外來往數年無一逃亡此山陛下矜育撫衛故死不攜貳也比者疲于徭役雜匠當下顧而不遣正兵番上復別驅任市物繼屬于

廩遞子背竿于道脫有一穀不收百姓之心恐不如前日之怙泰

怙音帖此不克終十漸也千載休期時難再得明主可爲而不爲臣

所以鬱結而長歎者也上深加獎歎云已列諸屏障朝夕瞻仰并錄付史官仍賜徵黃金十斤殿馬二匹于是避正殿減膳罷役分使賑恤申理冤屈乃雨 六月渝州人侯宏仁自牂柯開道經西

趙出邕州以通交桂

東謝蠻西接牂柯蠻南接西趙蠻牂柯之別帥曰羅殿今廣西買馬路自桂州至邕州橫

山寨二十餘程自橫山至紀法二十二程又至羅殿十程此即侯宏仁所通者也邕州漢鬱林郡領方縣地首分鬱林置晉興郡隋齊晉興爲宣化縣屬鬱林郡唐武德四年改爲南賓州貞觀六年改爲州即南賓郡蠻俚降者二萬八千餘戶

丙申立皇弟元嬰爲滕王 自結社率之反言事者多去突厥

雷河南不便

河南謂北河之南漢衛青擊匈奴所收河南地是也

秋七月庚戌詔右武侯大

將軍屯開州都督懷化郡王阿史那思摩爲乙彌泥孰俟利苾可

汗賜姓李氏并賜之鼓纛突厥及胡在諸州安置者並令度河還其舊部俾世作藩屏長保邊塞突厥咸憚薛延陀不肯出塞上遣司農卿郭嗣本賜薛延陀璽書言頡利既敗其部落咸來歸化我略其舊過嘉其後善待其達官皆如吾百察部落皆如吾百姓中國貴尚禮義不滅人國前破突厥止爲頡利一人爲百姓害實不貪其土地利其人畜恆欲更立可汗故置所降部落於河南任其畜牧今戶口蕃滋吾心甚喜既許立之不可失信秋中將遣突厥度河復其故國爾薛延陀受冊在前延陀受冊見一百九十三卷二年突厥受冊在後後者爲小前者爲大爾在磧北突厥在磧南各守土疆鎮撫部落其踰分故相掠抄我則發兵各問其罪薛延陀奉詔於是遣思摩帥所部建牙於河北河北則大磧之南上御齊政殿餞之思摩涕泣

奉觴上壽曰奴等破亡之餘分爲灰壤陛下存其骸骨復立爲可

汗願萬世子孫恆事陛下又遣禮部尚書河間王孝恭等齎冊書

就其種落築壇於河上而立之上謂侍臣曰中國根幹也四夷枝

葉也割根幹以奉枝葉木安得滋榮朕不用魏徵言幾致狼狽

社率之變也魏徵言見上卷四年又以左屯衛將軍阿史那忠爲左賢王左武衛

將軍阿史那泥熟爲右賢王忠蘇尼失之子也

蘇尼失見一百九十三卷四年上

遇之甚厚妻以宗女及出塞懷慕中國見使者必泣涕請入侍詔

許之 八月辛未朔日有食之 詔以身體髮膚不敢毀傷比來

訴訟者或自毀耳目自今有犯先笞四十然後依法 冬十月甲

申車駕還京師 十一月辛亥以侍中楊師道爲中書令 戊辰

尚書左丞劉洎爲黃門侍郎參知政事 上猶冀高昌王文泰悔

通鑑纂要 太宗貞觀十三年

過復下璽書示以禍福徵之入朝文泰竟稱疾不至十二月壬申

遣交河道行軍大總管吏部尚書侯君集副總管兼左屯衛大將

軍薛萬均等將兵擊之 乙亥立皇子福為趙王 己丑吐谷渾

王諾薛鉢來朝以宗女為宏化公主妻之 壬辰上畋於咸陽

咸陽 咸陽郡漢為渭城縣屬右扶風晉廢縣後魏置咸陽郡隋廢武德元年分涇陽始平置咸陽縣屬京兆九域志在府西四十里 癸

巳還宮 太子承乾頗以游畋廢學右庶子張元素諫曰古三驅

之禮非以教殺將為百姓除害故湯羅一面天下歸仁今苑中娛

獵雖異遠畋然行之不節終虧雅度夫宏道在于學古學古資于

師訓孔穎達等皆宿德鴻儒既奉詔侍講宜相與朝夕覽聖人之

遺教察前賢之往事日知其所不足月無忘其所能則盡善盡美

矣夫為人止者未有不求善言者也但以性不勝情耽惑成亂耽

或既甚忠言遂塞古人有言勿以小惡而不去小善而不爲禍福
之來皆由於漸殿下地居儲兩當須廣樹嘉猷既有好畋之淫何
以主斯七愆愼終如始猶懼漸衰始尚不愼終將安保太子父久
不出見官屬元素復諫曰朝廷選俊賢以輔至德今動經時月不
見宮臣將何以裨益萬一旦宮中唯有婦人不知有能如樊姬者
乎樊姬楚莊王姬也莊王好畋樊姬爲不食禽獸之肉太子置不
聽太子嘗于宮中擊鼓聲聞於外元素叩閤切諫太子出其鼓對
元素毀之而實不能改是歲天下州府凡三百五十八縣一千
五百一十一太史令傅奕精究術數之書而終不之信遇病不
呼醫餌藥有僧自西域來善呪術能令人立死復呪之使蘇上擇
飛騎中壯者試之皆如其言以告弈弈曰此邪術也臣聞邪不干

正請使呪臣必不能行上命僧呪弈弈初無所覺須臾僧忽僵仆

若爲物所擊遂不復蘇又有婆羅門僧

天竺漢身毒國也或曰摩伽陀曰婆羅門

言得

佛齒所擊前無堅物長安士女輻湊如市弈時臥疾謂其子曰吾

聞有金剛石性至堅物莫能傷唯羚羊角能破之

杜佑曰扶南國出金剛石可以

刻玉狀如紫石英其所生乃在百丈水底磐石上恰如鍾乳人取

之竟日乃出以鐵鏈之而不傷鐵乃自損以羚羊角叩之漼然冰

泮陶宏景曰羚羊今出建平立都蠻中及西域多兩角一角者爲

勝角甚多節蹙蹙圓繞陳藏器餘曰羚羊有神夜宿以角掛樹間

不著汝往試焉其子往見佛齒出角叩之應手而碎觀者乃止弈

臨終戒其子無得學佛書時年八十五又集魏晉以來駭佛教者

爲高識傳十卷行於世西突厥唃唃利失可汗之臣俟利發與乙

毗咄陸可汗通謀作亂唃利失窮蹙逃奔黠汗而死

新書曰高道者本拔汗那

或曰黠汗元魏所謂破洛那居西隄城在真珠河之北去京師八千里

弩矢畢部落迎其弟子薄布

特勒立之是爲乙毗沙鉢羅葉護可汗沙鉢羅葉護既立建庭於
睢合水北謂之南庭自龜茲鄯善且末吐火羅焉耆石史何穆康
等國皆附之龜茲一名耶茲一日屈茲東距京師七千里而麻自
于闐東臨東行入大流沙行千里至故折摩馱那古
且末也又千里至故納縛波古樓蘭也吐火羅或曰吐語羅曰覲
貨羅元龜謂之吐呼羅居蔥嶺烏計河之南古大夏也石國或曰
拓支曰柘折曰緒時漢大宛北鄙也去京師九千里東北計西突
厥王姓石治柘折城故康居小王窺匿城也史或曰佐沙曰羯霜
那居窺莫水南康居小王蘇離城故地南四百里抵吐火羅何或
曰屈霜彌伽曰費霜隱即康居小王附堡城故地新書康漢康居
也枝庶分王曰安曰曹曰米曰何曰火尋曰咄陸建牙於嶽蜀山
戊地曰史世謂九姓意者後亦康國枝庶歟

西謂之北庭舊書自焉耆西北七曰行至其
南庭又正北八曰行至其北庭自厥越失拔悉彌駁
馬結骨火燐觸水昆等國皆附之按悉彌蓋卽拔悉蜜在葛邏祿
之西駟馬或曰樊刺曰過邏支
直突厥之北距京師萬四千里北極于海以馬耕田雖畜馬而不
乘資漣酪以食馬色皆黃故以名國結骨古堅昆國也當伊吾西
焉耆北白山之旁堅昆後語訛爲結骨稍號紇骨亦曰乾陀斯又
曰點戛斯火燐或爲貨利習彌曰過利居烏計水之陽西南與波

斯接西北以伊列水為境伊列漢時西域故國在康居北陳湯與

抵突厥此其證也考異曰沙鉢羅葉護傳云東以伊列河為界按乙毗咄

陸傳云自伊列河以西屬咄陸以東屬咄利失沙鉢羅葉護既因

咄利失之地應云西以伊列河為界今未知二傳孰誤故但云伊列水為境 滁州上言野蠶食柞葉

成繭大如柰其色綠凡六千五百七十碩

庚貞觀十四年春正月甲寅上幸魏王泰第赦雍州長安繫囚大

辟以下免延康里今年租賦賜泰府僚屬及同里老人有差魏王

在長安城中延康里按雍州二赤縣長安萬年皆治泰第

長安城中今止赦長安囚蓋延康里屬長安縣管 二月丁丑

上幸國子監觀釋奠命祭酒孔穎達講孝經賜祭酒以下至諸生

高第帛有差周官有師氏保氏漢如酒祭酒博士齊始立國子是

時上大徵天下名儒為學官數幸國子監使之講論學生能明一

大經已上皆得補官唐取士以禮記春秋左氏傳為大經詩儀禮

周禮為中經易尚書春秋公羊傳穀梁傳為

小增築學舍千二百間增學生滿三千二百六十員自屯營飛騎
亦給博士使授以經有能通經者聽得貢舉於是四方學者雲集
京師乃至高麗百濟新羅高昌吐蕃諸酋長亦遣子弟請入國學
升講筵者至八千餘人上以師說多門章句繁雜命孔穎達與諸
儒撰定五經疏謂之正義令學者習之 壬午上行幸驪山溫湯

辛卯還宮

乙未詔求近世名儒梁皇甫侃

附錄侃吳郡人也少好學師事賀陽精

專門盡通其業尤明三禮孝經論語爲國子助教每講說聽者數百人撰禮記講疏五十卷詔藏于祕閣性至孝常日誦孝經二十

篇褚仲都

附錄仲都善周易爲當時最梁天監中歷官五經博士

周熊安生沈重

附錄重字德厚吳興

武康人也性聰悟有異常童弱歲而孤居喪合禮及長專心儒學從師不遺千里遂博覽羣書尤明詩禮及左氏春秋梁大同中授五經博士江陵破又留事梁主蕭詵除中書侍郎兼中書舍人累遷散騎常侍都官尚書高祖以重懇明行脩造使致書叢之于梁及至台討論五經并校定鍾律又令講三教之義于紫極殿朝士儒生桑門道士聽者二千人重辭義優洽樞機明辨凡所解釋無

不推服授驃騎大將軍儀同三司久之辭還梁蕭瑄拜爲散騎常侍隋開皇三年卒重學業該博爲當世儒宗撰周禮義三十一卷儀禮義三十五卷禮記義三十卷毛詩義二十八卷喪服義五卷行於世陳沈文阿字國衡吳興武康人也父峻以儒學聞于梁世文阿性剛強有奮力少習父業研精章句又博採先儒異同自爲義疏治三禮三傳察孝廉爲梁五經博士侯景素聞其名及陷臺城購而求之文阿乃登樹自縊遇有救者乃自投于地而折其臂景平授步兵校尉兼掌禮儀臺閣典章皆其所定也及高祖受禪文阿棄官還武康高祖大怒發使往誅之會有救者乃免世祖卽位授通直散騎常侍兼國子博士令于東宮講孝經論語所撰儀禮八十卷周宏正張譏隋何妥劉炫劉焯餘卷經典大義十八卷並行于世

周宏正張譏隋何妥劉炫劉焯等子孫以聞當加引擢

三月寶州道行軍總管党仁宏擊羅賈反獠破之俘七千餘口

辛丑流鬼國遣使入貢去京師萬五千里濱於北海南鄰昧羯流鬼國直黑水昧羯東北少海之北三面阻海南與其夷昧羯鄰東南航海十五日行乃至人依島嶼散居多沮澤初附百濟後附新羅東夷也杜佑曰流鬼國在北海之北未嘗通中國重三譯而來上以其使者奈志爲騎都尉奈音茶丙辰置甯朔大使以護

突厥 夏五月壬寅徙燕王靈璽爲魯王 六月滁州野蠶成繭

凡收八千三百碩 上將幸洛陽命將作大匠閻立德行清暑之

地秋八月庚午作襄城宮於汝州西山

新志貞觀中置清暑宮於汝州臨汝縣鳴皇山南

汝水峴廣成澤立德立本之兄也 高昌王文泰聞唐兵起謂其國人曰

唐去我七千里沙磧居其二千里地無水草寒風如刀熱風如燒

風之所吹行人多死常行百人不能一至安能致大軍乎往吾入

朝見秦隴之北城邑蕭條非復有隋之比今來伐我發兵多則糧

運不給三萬已下吾力能制之當以逸待勞坐收其弊若頓兵城

下不過二十日食盡必走然後從而虜之何足憂也及聞唐兵臨

磧口憂懼不知所爲發疾卒子智盛立軍至柳谷

新志西州交河縣北行二百一

十里至柳谷渡訶者言文泰刻日將葬國人咸集於彼諸將請襲之侯君

集曰不可天子以高昌無禮故使吾討之今襲人於墟墓之間非

問罪之師也於是鼓行而進至田地城

田地城即漢戊己校尉所治地宋白曰西州高昌縣

本晉田地縣之地晉咸和二年置高昌郡立田地縣唐改高昌縣

諭之不下詰朝攻之及午而克

虜男女七千餘口以中郎將辛獠兒爲前鋒趨其都城高昌逆戰

而敗大軍繼至抵其城下智盛致書於君集曰得罪於天子者先

王也天罰所加身已物故智盛襲位未幾惟尙書憐察君集報曰

苟能悔過當束手軍門智盛猶不出君集命填塹攻之飛石雨下

城中人皆室處又爲巢車高十丈俯瞰城中

左傳楚子登巢車以望晉軍釋文云兵車

高如巢以望敵也

有行人及飛石所中皆唱言之先是文泰與西突厥可

汗相結約有急相助可汗遣其葉護屯可汗浮圖城

葉護突厥達官也爲大臣

之首自交河城至浮圖城三百七十里

爲文泰聲援及君集至可汗懼而西走千餘

里葉護以城降智盛窮蹙癸酉開門出降

高昌自麹嘉有國傳九世一百三十四年而亡

君集分兵略地下其二十二城戶八千四十六口一萬七千七百

考異曰舊唐書戶八千口三萬七千七百今從實錄

地東西八百里南北五百里上欲以高

昌爲州縣魏徵諫曰陛下初卽位文泰夫婦首來朝

文泰入朝見四年

其

後稍驕倨故王誅加之罪止文泰可矣宜撫其百姓存其社稷復

立其子則威德被於遐荒四夷皆悅服矣今若利其土地以爲州

縣則常須千餘人鎮守數年一易往來死者什有三四供辦衣資

遠離親戚十年之後隴右虛耗矣陛下終不得高昌撮粟尺帛以

佐中國所謂散有用以事無用臣未見其可也上不從九月以其

地爲西州以可汗浮圖城爲庭州

西州治高昌縣漢車師前王庭也庭州治金滿縣漢車師後王

庭也宋白曰二州相去四百五十里

各置屬縣乙卯置安西都護府於交河城留兵

資治通鑑補

卷二百九十五

唐紀十一

十四

思補

太宗貞觀十四年

鎮之君集虜高昌王智盛及其羣臣豪傑而還於是唐地東極於海西至焉耆南盡林邑北抵大漠皆爲州縣凡東西九千五百一十里南北一萬六千九百一十八里侯君集之討高昌也遣使約焉耆與之合勢焉耆喜聽命及高昌破焉耆王詣軍門謁見君集且言焉耆三城先爲高昌所奪君集奏并高昌所掠焉耆民悉歸之冬十月甲戌荆王元景等復表請封禪上不許初陳倉折衝都尉魯甯坐事繫獄自恃高班慢罵陳倉尉尉氏劉仁軌陳倉尉屬岐州唐制畿縣尉正九品下上縣尉從九品上中下縣從九品下仁軌杖殺之州司以聞上怒命斬之猶不解曰何物縣尉敢殺吾折衝命追至長安而詰之仁軌曰魯甯對臣百姓辱臣如此臣實忿而殺之辭色自若魏徵侍側曰陛下知隋之所以亡乎上曰何也徵曰隋末百姓強而陵官吏

如魯甯之比是也

魯甯官爲折衝本陳倉百姓

上悅擢仁軌爲櫟陽丞

漢高皇帝葬太

上皇於櫟陽北原號萬年陵改櫟陽爲萬年縣至隋德因之唐都長安改隋大興縣曰萬年而舊萬年縣後曰櫟陽屬京兆唐徵縣

丞正八品下

上將幸同州校獵仁軌上言今秋大稔元黃互野民收穫

者什繼一二使之供承獵事治道葺橋動費一二萬功實妨農事

願少留鑾輿旬日俟其畢務則公私俱濟上賜璽書嘉納之尋遷

新安令

唐初置新安縣貞觀元年廢鄠爲縣屬洛州唐制畿縣令正六品下上縣從六品上中縣正七品上下縣從七品下

閏月乙未行幸同州庚戌還宮丙辰吐蕃贊普遣其相祿東贊

獻金五千兩及珍玩數百以請昏上許以文成公主妻之

文成公主宗女

也

十一月甲子朔冬至上祀南郊時戊寅歷以癸亥爲朔

寅行戌

見一百八十七卷武德三年

宣義郎李道風表稱古歷分日起於子半今歲甲

子朔旦冬至而故太史令傅仁均減餘稍多子初爲朔遂差三刻

用乖天正今更加考定眾議以仁均定期微差淳風推校精密請
如淳風議從之 丁卯禮官奏請加曾祖父母服齊衰五月嫡子
婦服緦子婦服大功嫂叔弟妻夫兄舅皆服小功從之 丙子

百官復表請封禪詔許之更命諸儒詳定儀注以太常卿韋挺等
爲封禪使 司門員外郎韋元方給給使過所稽緩

唐司門郎掌天下諸門諸

關出入往來之籍凡天下之關二十有六所以限內外隔華夷設
給作因開邪正禁者也凡度關者先經巡部司門請過所給使禁
中給使令者宦官也唐內給使無常員 給使奏之上怒出元方爲

華陰令

華陰縣屬華州

魏徵諫曰帝王震怒不可妄發前爲給使遂夜出

敕書事如軍機誰不驚駭況宦者之徒古來難養輕爲言語易生
患害獨行遠使深非事宜漸不可長所宜深慎上納其言 尚書

左丞韋棕句司農木樟價貴於民間

樟木一截也唐式柴方三尺五寸爲一樟按通典韋棕句

司農木槿七十實百姓四十價奏其乾沒○槿音林又音董奏其隱沒上召大理卿孫伏伽書

司農罪伏伽曰司農無罪上怪問其故對曰只爲官槿貴所以私槿賤向使官槿賤私槿無由賤矣但見司農議大體不知其過也上悟屢稱其善願謂羣僚曰卿識用不逮伏伽遠矣十二月丁

酉侯君集獻俘于觀德殿行飲至禮大酺三日尋以智盛爲左武

衛將軍金城郡公上得高昌樂工以付太常增九部樂爲十部唐

典曰凡大宴會則設十部之伎於庭以備華夷一日宴樂伎有景雲樂之舞慶善樂之舞破陣樂之舞承天樂之舞二曰清樂伎三曰西涼伎四曰天竺伎五曰高麗伎六曰龜茲伎七曰安國伎八曰疏勒伎九曰高昌伎十曰康國伎君集之破高

昌也私取其珍寶將士知之競爲盜竊君集不能禁爲有司所劾

詔下君集等獄中書侍郎岑文本上疏以爲高昌昏迷陛下命君

集等討而克之露布初至便降大恩從征之人皆霑滌蕩及其凱

旋特蒙曲宴又對萬國加之重賞會不踰旬竝付大理雖君集等自掛網羅恐海內之人疑陛下唯錄其過而遺其功也臣聞命將出師主于克敵苟能克敵雖貪可賞若其敗績雖廉可誅是以漢之李廣利陳湯晉之王濬隋之韓擒虎皆負罪譴人主以其有功

咸受封賞

李廣利事見二十卷漢武帝太初四年陳湯事見二十卷漢元帝竟寧元年王濬事見八十一卷晉武帝太

康元年韓擒虎事見一百七十七卷隋文帝開皇九年

由是觀之將帥之臣廉慎者寡貪求

者眾是以黃石公軍勢曰使智使勇使貪使愚故智者樂立其功勇者好行其志貪者急趨其利愚者不計其死伏願錄其微勞忘其大過使君集重升朝列復備驅馳雖非清貞之臣猶得貪愚之將斯則陛下雖屈法而德彌顯君集等雖蒙宥而過更彰矣上乃釋之又有告薛萬均私通高昌婦女者萬均不服內出高昌婦女

付大理與萬均對辨魏徵諫曰臣聞君使臣以禮臣事君以忠今

遣大將軍與亡國婦女對辨帷箔之私實則所得者輕虛則所失

者重昔秦穆公飲盜馬之士

秦穆公亡馬岐下野人得而共食之者三百人吏逐得欲法之公曰君子

不以畜害人吾聞食馬肉不飲酒者傷人乃飲之酒其後穆公伐晉三百人者聞穆公爲晉所圍推鋒爭死以報食馬之德於是穆

公獲晉侯以歸楚莊救絕纓之罪

說苑楚莊王賜羣臣酒曰暮酒酣屬誠有引美人衣者美人援絕其冠纓告王

揮火來上視絕纓者王曰賜人酒使醉失禮奈何欲顯婦人之節而辱士乎乃命左右曰今日與寡人飲不絕冠纓者不歡羣臣皆

絕去其纓而上火盡歡而罷後晉與楚戰有一臣常在前況陛下五合五獲首却敵卒勝之楚莊怪問乃夜絕纓者報王也況陛下

道高堯舜而曾二君之不逮乎上遽釋之侯君集馬病艸顙行軍

總管趙元楷親以指雷其膿而襲之御史劾奏其諂左遷梧州刺

史

永嘉郡隋開皇九年置處州十三年改曰梧州高昌之平也諸將皆卽受賞行軍總管

阿史那社爾以無敕旨獨不受及別敕旣下乃受之所取唯老弱

故弊而已上嘉其廉慎以高昌所得寶刀及雜綵千段賜之 癸

卯上獵於樊川

鄧道元曰樊川在漢杜縣亦曰樊鄉漢高祖至樊陽以樊噲灌廢耶功最賜食邑於此鄉因名樊川

程大昌曰樊川一名御宿川在萬年縣南三十五里

乙巳還宮

魏徵上疏以爲在朝羣臣

當樞機之寄者任之雖重信之未篤是以人或自疑心懷苟且陛

下寬於大事急於小罪臨時責怒未免愛憎夫委大臣以大體責

小臣以小事爲治之道也今委之以職則重大臣而輕小臣至於

有事則信小臣而疑大臣信其所輕疑其所重將求致治其可得

乎若任以大官求其細過刀筆之吏順旨成風舞文弄法曲成其

罪自陳也則以爲心不服辜不言也則以爲所犯皆實進退維谷

莫能自明

詩桑柔曰進退維谷註谷窮也

則苟求免禍矯僞成俗矣上納之上

謂侍臣曰朕雖平定天下其守之甚難魏徵對曰臣聞戰勝易守

勝難陛下之及此言宗廟社稷之福也 上聞右庶子張元素在

東宮數諫爭擢爲銀青光祿大夫行左庶子元素少爲刑部令史

上嘗對朝臣問之曰卿在隋何官對曰縣尉又問未爲尉時何官

對曰流外

按隋之視品卽唐之流外銓也宋自曰唐制吏部郎中

一人掌考天下之文吏班秩階品一人掌小銓亦分九

品通謂之行署以其在九流之外故謂之流外銓亦謂

之小選杜佑曰宋齊流外自諸徭錄事及五省令史始又問何曹

元素恥之出閣殆不能步色如死灰諫議大夫褚遂良上疏以爲

君能禮其臣乃能盡其力元素雖出於寒微陛下重其才擢至三

品翼贊皇儲豈可復對羣臣窮其門戶棄宿昔之恩成一朝之恥

使之鬱結于懷何以責其伏節死義乎上曰朕亦悔此問卿疏深

會我心孫伏伽與元素在隋皆爲令史伏伽或于廣坐自陳往事

一無所隱遂良亮之于也博學文史尤工隸書魏徵稱其下筆道

勁甚得王逸少體上卽日召令侍書遂良嘗問虞世南曰吾書何如智永答曰吾聞彼一字直五萬君豈得及之曰孰與歐陽詢答曰吾聞詢不擇紙筆皆得如志君豈可比遂良曰然則何如君世南曰君若手和筆調固亦可貴遂良大喜

戴州刺史賈崇以所

部有犯十惡者

十惡之條一日謀反二日謀大逆三日謀叛四日謀惡逆五日不道六日大不敬七日不孝八日不

睦九日不義十日內亂

御史劾之上曰昔唐虞大聖貴爲天子不能化其子

況崇爲刺史獨能使其民比屋爲善乎若坐是貶黜則州縣互相隱蔽縱捨罪人自今諸州有犯十惡者勿劾刺史但令明加糾察如法施罪庶以肅清姦惡耳

上自臨治兵以部陳不整命大將軍張士貴杖中郎將等怒其杖輕下士貴吏魏徵諫曰將軍之職爲國爪牙使之執杖已非後法況以杖輕下吏乎上亟釋之言

事者多請上親覽表奏以防壅蔽上以問魏徵對曰斯人不知大體必使陛下一一親之豈惟朝堂州縣之事亦當親之矣河閒元王孝恭薨孝恭少沈敏有識量既滅蕭銑又擒輔公祐功名震世性奢豪重晏遊歌姬舞女百有餘人然寬恕退讓無驕矜自伐之色嘗悵然謂所親曰吾所居宅微爲宏麗非吾心也當賣之別營一所粗令充事而已身歿之後諸子若才守此足矣如其不才庶免他人所利也上待之甚厚宗室中莫與爲比

資治通鑑補卷一百九十五終

資治通鑑補卷一百九十六

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

唐紀十二

起十五年盡十七年
三月凡二年有奇

太宗文武大聖大廣孝皇帝中之中

貞觀十五年春正月甲戌以吐蕃祿東贊爲右衛大將軍上嘉祿東贊善應對以琅琊公主外孫段氏妻之辭曰臣國中自有婦父母所聘不可棄也且贊普未得謁公主陪臣何敢先娶上益賢之然欲撫以厚恩竟不從其志丁丑命禮部尚書江夏王道宗持節送文成公主於吐蕃贊普大喜見道宗盡子婿禮慕中國衣服

儀衛之美爲公主別築城郭宮室而處之自服紈綺以見公主其國人皆以赭塗面公主惡之贊普下令禁之亦漸革其猜暴之性遣子弟入國學受詩書 乙亥突厥侯利苾可汗始帥部落濟河

前年受詔

建牙於故定襄城

杜佑曰故定襄城在朔州馬邑郡北三百許里

有眾士萬勝

兵四萬馬九萬匹仍奏言臣非分蒙恩爲部落之長願子子孫孫爲國家一犬守吠北門若辭延陀侵逼請從家屬入長城詔許之

上將幸洛陽命皇太子監國留右僕射高士廉輔之辛巳行及

溫湯

新豐有溫山溫湯華州有溫湯府

衛士崔卿刁文懿憚於行役冀上驚而止

乃夜射行宮矢及寢庭者五皆以大逆論

十惡二曰謀大逆注曰爲謀毀宗廟山陵及宮

關刑統議曰此條之人干紀犯順違道悖德逆莫大焉改曰大逆以大逆論者未是犯大逆正條以其干紀犯順以大逆論罪

月戊辰幸襄城宮地既煩熱復多毒蛇庚午罷襄城宮分賜百姓

免閣立德官

管製城宮見上卷上年

夏四月辛卯朔詔以來年二月有事

於泰山

上以近世陰陽雜書訛僞尤多命太常博士呂才

漢叔孫通

爲博士賜太常賸唐最爲清選太常博士從七品上與諸術士刊

孝五禮之儀式本先王之法制適變隨時而損益焉定可行者凡百篇已西書成上之才皆爲之敘質以經史其序宅

經曰上古穴居野處後世聖人易之以宮室迨於殷周乃有卜宅

之文故詩稱相其陰陽書云卜惟洛食此則卜宅吉凶其來尚矣

近世巫覡妄分五姓謂宮商角徵羽天下萬物悉配屬之行事吉

凶依此爲法然言皆不類如張王爲商武庚爲羽似取其諧韻至

於以柳爲宮以趙爲角又復不然或同出一姓分屬宮商或複姓

數字莫辨徵羽此則事不稽古義理乖僻者也

近世相傳以字學分五音只在唇舌

齒調之舌居中者爲宮口開張者爲商舌縮卻者爲角舌挂齒者爲徵唇撮聚者爲羽陰陽家以五姓分屬五音說正如此敘

祿命曰祿命之書多言或中人乃信之然長平阮卒未聞其犯三

刑長平之戰死者四十五萬人三刑寅刑巳巳刑申申刑寅丑刑戌戌刑未未刑丑子刑卯卯刑子又辰辰午午酉酉亥亥謂之

自南陽貴士何必俱當六合子與丑合寅與亥合卯與戌合辰與酉合巳與申合午與未合漢光武中

與南陽人士多貴今亦有同年同祿而貴賤懸殊其命其胎而壽夭更異

按魯莊公生於乙亥之歲建申之月法應貧賤又當羸弱短陋而

齊詩之譏莊公者乃曰猗嗟昌兮頤而長兮美目揚兮巧趨跢兮

惟有向命一條法得長壽而莊公薨時年止四十有五秦始皇生

於壬寅年之正月法無官爵縱得祿少奴婢為人無始有終去而

彌吉今按史記始皇乃是有始無終老更彌凶漢武帝乙酉之

歲七月七日平旦生法當少無官榮老而方盛今按漢書武帝卽

位年始十六末年已後戶口減半後魏孝文帝生於丁未歲之八

月以法雅之遺無官爵至不見父今按魏書孝文身受父顯祖之

禪率天下而事其親宋武帝癸亥歲三月生依此而推祿與命竝

當空亡

甲己申酉乙庚午未丙辛辰巳丁壬寅卯戊癸子丑戌亥謂之截路空亡甲子句戌亥申戌句申酉甲申句午未甲

午句辰巳申辰句寅卯甲寅句子丑謂之旬中空亡唯宜長子雖有次子法當早夭今按宋

書武帝長子先被弑次子義隆享國多年此皆祿命不驗之著明

者也其敘葬曰孝經云卜其宅兆而安厝之蓋以窆窆既終永安

體魄

謂其窆也厚也窆夜也窆窆猶言長夜

而胡市遷變泉石交侵不可前知故謀之

窆窆近歲或選年月或相墓田以爲一事失所禍及死生按禮天

子諸侯大夫葬皆有月數是古人不擇年月也

古者天子七月而葬同軌畢至諸侯

五月同盟至大春秋九月丁巳葬定公雨不克葬戊午日下昃乃

克葬是不擇日也鄭葬僂公司墓之室當路毀之則朝而窆不毀

則日中而窆子產不毀是不擇時也古之葬者皆於國都之北兆域有常處是不擇地也今葬書以爲子孫富貴貧賤壽夭皆因卜葬所致夫子文爲令尹而三已柳下惠爲士師而三黜計其邱隴未嘗改移而名位不常何也故知升降由人不關諸葬而野俗無識妖巫妄言遂於擗踊之際擇葬地以希官爵荼毒之秋選葬時以規財利或云辰日不可哭泣遂莞爾而對弔客或云同屬忌於臨壙遂吉服不送其親傷教敗禮莫斯爲甚術士皆惡其言而識者皆以爲確論 丁巳果殺都尉席君買帥精騎百二十襲擊吐

谷渾丞相宣王破之斬其兄弟三人

考異曰舊傳云鄯州刺史杜鳳舉與威信王合兵擊丞相

王破之殺其兄弟三人今從實錄

初丞相宣王專國政陰謀襲宏化公主

帝以宗室女爲

宏化公主下嫁吐谷渾

劫其王諾曷鉢奔吐蕃諾曷鉢聞之輕騎奔鄯善城

隋煬帝破吐谷渾置四郡都善其臣威儀日以兵迎之故君買爲郡治都善城卽古之樓蘭城

之討誅宣王國人猶驚擾遣民部尚書唐儉等慰撫之賜民八十以上物博獨鰥寡疾病不能自存者米二斛五月壬申并州父老詣闕請上封泰山畢還幸晉陽王賜宴於武成殿因從容謂侍臣曰朕少在太原喜羣聚博戲畧往寒逝將三十年矣時會中有舊識上者相與道舊以爲笑樂因謂之曰他人之言或有面諛公等朕之故人可實以告朕近日政教於百姓何如人閒得無疾苦耶皆奏曰四海太平百姓歡樂陛下力也臣等餘年口惜一日但戀聖化殊無疾苦因固請過并州上謂曰飛鳥過故鄉猶踟躕徘徊況朕於太原起義遂定天下復少小遊觀誠所不忘岱禮若畢或冀與公等相見於是各賜物有差丙子百濟來告其王扶

餘璋之喪遣使冊命其嗣子義慈義慈事親孝與兄弟友時號海東曾子 己酉有星孛於太微太史令薛頤上言未可東封辛亥

起居郎褚遂良亦言之丙辰詔罷封禪 太子詹事于志寧遭母

喪尋起復就職

按會要武德年制文官遭父母喪聽去職起復者起之於苦塊之中而復其官職也亦謂之奪情

太子治宮室妨農功又好鄭衛之樂志寧諫曰今所居東宮隋日

營建見者已譏其華侈何容更有脩造且丁匠官奴不宜褻近此

輩或見犯國章或弟罹王法鉗鑿懸其身槌杵在其手監門本防

非慮宿衛以備不虞直長旣自不知千牛又復不見爪牙在外厮

役在內豈可不爲寒心又鄭衛之樂謂之淫聲先聖旣以爲非通

賢將以爲失往年口敕殷勤懇切伏請重尋以嚴明誡不聽太子

又寵昵宦官常在左右志寧上書以爲闡宦之徒體非全氣專柔

便佞託親近爲威權假出納爲禍福故伊戾敗宋易牙亂齊趙高

亡秦張讓傾漢所從來遠矣今殿下親寵此屬使輕忽高班陵轢

貴仕品命失序綱紀不立行路之人咸以爲怪太子覽書益不悅

太子役使司馭等半歲不許分番

太僕寺典廐署有執馭一百人番番上二宮六典太子僕寺有

殿牧署有翼馭十五人馬士三十人

又私引突厥達哥叉入宮志當又上書切諫太

子大怒遣刺客張思政紇干承基殺之二人入其第見志甯寢處

苦塊

孔穎達曰寢苦枕塊謂孝子居於廬中寢卧於苦頭枕於塊

竟不忍殺而止

西突厥沙

鉢羅葉護可汗數遣使入貢秋七月甲戌命左領軍將軍張大師

持節卽其所號立爲可汗賜以鼓纛上又命使者多齎金帛厯諸

國市良馬魏徵諫曰可汗位未定而先市馬彼必以爲陛下志在

市馬以立可汗爲名耳使可汗得立荷德必淺若不得立爲怨實

深諸國聞之亦輕中國市或不得得亦非美苟能使彼安甯則諸國之馬不求自至矣上欣然止之乙毗咄陸可汗與沙鉢羅葉護互相攻乙毗咄陸浸疆大西域諸國多附之未幾乙毗咄陸使石國吐屯擊沙鉢羅葉護擒之以歸殺之

吐屯突厥官名使分主諸國

丙子上

指殿屋謂侍臣曰治天下如建此屋營構既成勿數改移苟易一

椽

椽屋橑索名爲屋椽周謂之椽魯謂之桷

正一瓦踐履動搖必有所損若慕奇功變

法度不恆其德勞擾實多

上遣職方郎中陳大德使高麗

職方掌天

下地圖及城隍鎮戍烽候之數辨其邦國之遠近及四夷之歸化凡五方之區域都邑之廢置疆場之爭訟舉而正之

八月

己亥自高麗還大德初入其境欲知山川風俗所至城邑以綾綺

遺其守者曰吾雅好山水此有勝處吾欲觀之守者喜導之遊歷

無所不至往往見中國人自云家在某郡隋末從軍沒於高麗高

麗妻以遊女與高麗錯居殆將半矣因問親戚存沒大德給之曰
皆無恙咸涕泣相告數日後隋人望之而哭者徧於郊野大德言
於上曰其國聞高昌亡大懼館候之勤加於常數上曰高麗本四
郡地耳

漢武帝置臨屯真番樂浪
元菟四郡高麗有其地

吾發卒數萬攻遼東彼必傾國

救之別遣舟師出東萊自海道趨平壤水陸合勢取之不難但山
東州縣彫瘵未復吾不欲勞之耳 乙巳上謂侍臣曰朕有二喜
一懼比年豐稔長安斗粟直三四錢一喜也北虜久服邊鄙無虞
二喜也治安則驕侈易生驕侈則危亡立至此一懼也 冬十月
辛卯上校獵於伊闕壬辰幸嵩陽辛丑還宮 并州大都督長史
李世勣在州十六年令行禁止民夷懷服上曰隋煬帝勞百姓築
長城以備突厥卒無所益朕惟置李世勣於晉陽而邊塵不驚其

爲長城豈不壯哉十一月庚申以世勣爲兵部尙書 壬申車駕

發洛陽 薛延陀眞珠可汗聞上將東封謂其下曰天子封泰山

士馬皆從邊境必虛我以此時取思摩如拉朽耳乃命其子大度

設發同羅僕骨迴紇靺鞨靺鞨等兵合二十萬度漠南屯白道川據

善陽嶺以擊突厥

善陽嶺在朔州善陽縣北

俟利苾可汗不能禦帥部落入長

城保朔州遣使告急癸酉上命營州都督張儉率所部騎兵及奚

霫契丹壓其東境以兵部尙書李世勣爲朔州道行軍總管將兵

六萬騎三千屯朔州右衛大將軍李大亮爲靈州道行軍總管將

兵四萬騎五千屯靈武

靈武縣屬靈州靈武郡

右屯衛大將軍張士貴將兵

一萬七千爲慶州道行軍總管出雲中涼州都督李襲譽爲涼州

道行軍總管出其西諸將辭行上戒之曰薛延陀負其彊威踰漠

而南行數千里馬已疲瘦凡用兵之道見利速進不利速退薛延

陀不能掩思摩不備急擊之思摩入長城又不速退吾已勅思摩

燒薶秋草

薶耘草也

彼糧糗日盡野無所獲頃偵者來云其馬鬣林木

枝皮略盡卿等當與思摩共爲犄角不須速戰俟其將退一時奮
擊破之必矣 十二月戊子車駕至京師 已亥薛延陀遣使入

見請與突厥和親甲辰李世勣敗薛延陀於諾真水

出雲中古城西北行四百

許里至諾真水

初薛延陀擊西突厥沙鉢羅及阿史那社爾皆以步戰取

勝及將入寇乃大教步戰使五人爲伍一人執馬四人前戰戰勝

則授以馬追奔於是大度設將三萬騎逼長城欲擊突厥而思摩

已走知不可得遣人登城罵之會李世勣引唐兵至塵埃漲天大

度設懼將其眾自赤柯樂北走

自淮以北率以積水處爲濊

世勣

選麾下及突厥精騎六千自直道邀之踰白道川追及於青山大度設走累日至諾真水勒兵還戰陳亘十里突厥先與之戰不勝還走大度設乘勝追之遇唐兵薛延陀萬矢俱發唐馬多死世勣命士卒皆下馬執長稍直前衝之薛延陀眾潰副總管薛萬徹以數千騎收其執馬者薛延陀失馬不知所爲唐兵縱擊斬首三千餘級捕虜五萬餘人大度設脫身走萬徹追之不及其眾至漠北值大雪人畜凍死者什入九李世勣還軍定襄突厥思結部居五臺者叛走

五臺本漢太原唐縣久廢後魏改曰曠夷大業初改曰五臺有五臺山屬代州

州兵追之會

世勣軍還夾擊悉誅之丙午薛延陀使者辭還上謂之曰吾約汝與突厥以大漠爲界有相侵者我則討之汝自恃其強踰漠攻突厥李世勣所將纔數千騎耳汝已狼狽如此歸語可汗凡舉措利

害可善擇其宜 上問魏徵比來朝臣何殊不論事對曰陛下虛心采納必有言者凡臣徇國者寧愛身者多彼畏罪故不言耳上曰然人臣關說忤旨動及刑誅與夫蹈湯火冒白刃者亦何異哉

是以禹拜昌言良爲此也房元齡高士廉遇少府少監竇德素於

路秦置少府掌山澤之稅漢掌內府珍貨梁始爲卿隋改爲監唐從三品少監從四品掌供百工伎巧之事凡天子之服御百官

之儀制展采備物問北門近何營繕德素奏之上怒讓元齡等曰

君但知南牙政事北門小營繕何預君事唐正牙在南故曰南牙元武門在北曰北門劉

馮事始兵書曰牙旗者將軍之精凡始建牙必以制日制日者其辰之在五行以上尅下之日也又尙書曰門旗二口八幅色紅大

將牙門之旗出引將軍前列又黃帝出軍訣曰牙旗者將軍之精

金鼓者將軍之氣周禮司常職曰軍旅會同置旌門夫以旌爲門

卽旗門也後世軍中遂置牙門將又有牙兵典總此兵以押衙爲

名至於官府早晚軍吏兩謁亦名爲衙呼謂旣熟雖天子正殿受

朝謁亦

名正衙元齡等拜謝魏徵進曰臣不知陛下何以責元齡等而元

齡等亦何所謝元齡等爲陛下股肱耳目於中外事豈有不應知者使所營爲是當助陛下成之爲非當請陛下罷之問於有司理則宜然不知何罪而責亦何罪而謝也上甚愧之上嘗臨朝謂侍臣曰昔漢高祖得蕭曹韓彭天下甯晏今朕爲人主常兼將相之事得無奪公等名乎給事中張行成退而上書以爲禹不矜伐而天下莫與之爭書舜謂禹曰汝惟不矜天下莫與汝爭能汝惟不伐天下莫與汝爭功陛下撥亂反正羣臣誠不足望清光然不必臨朝言之以萬乘之尊乃與羣臣校功爭能臣竊爲陛下不取上甚善之西域天竺國遣使入貢其國王姓乞利咤氏世有其國不相篡弑厥土潯熱稻歲四熟禾之長者沒囊駝有金剛似紫石英百鍊不銷可以切玉又有旃檀鬱金諸香與大秦扶南交趾相貿易百姓殷樂俗無簿籍以砥

足摩踵爲致敬人皆深目長鼻男子穿耳垂瑠有文字善天文算
厯之術書貝多葉以記事不殺生飲酒國中往往有舊佛迹武德
中其國大亂其嗣王尸羅逸多練兵聚眾所向無敵象不解鞍人
不解甲四天竺王皆北面臣之中天竺之旁更有東西南北四天竺時唐僧元奘適
至其國尸羅逸多召見曰聞而國有聖人出作秦王破陳樂試爲
我言其爲人元奘乃爲言今上神武平禍亂四夷賓服狀尸羅逸
多喜曰我當東面朝之乃遣使上書帝命雲騎尉梁懷璣持節慰
撫尸羅逸多驚問國人曰自古亦有摩訶震旦使者至我國乎皆
曰無有乃出迎膜拜受詔書戴之頂復遣使隨入朝詔衛尉丞李
義表報之大臣郊迎傾都邑縱觀夾道焚香尸羅逸多率羣臣東
面拜受詔復獻鬱金火珠菩提樹

貞觀十六年春正月乙丑魏王泰上括地志泰好學司馬蘇勛

說泰以古之賢王皆招士著書故泰奏請修之時泰引蕭德言顧允恭亞細詳像

等就府修撰於是大開館舍廣延時俊人物輻湊門庭如市泰月給踰

於太子諫議大夫褚遂良上疏以為聖人制禮尊嫡卑庶世子用

物不會與王者共之周禮王及世子惟膳不會其他服物世子猶皆會庶子雖愛不得踰

嫡所以塞嫌疑之漸除禍亂之源也若當親者疎當尊者卑則佞

巧之姦乘機而動矣昔漢竇太后寵梁孝王卒以憂死宣帝寵淮

陽憲王亦幾至於敗今魏王新出閤宜示以禮則訓以謙儉乃為

良器此所謂聖人之教不肅而成者也上從之上又令泰徙居武

德殿魏徵上書以為陛下愛魏王常欲使之安全宜每重抑其驕

奢不處嫌疑之地今移居此殿乃在東宮之西海陵昔嘗居之元吉

追封海陵刺王論者以爲不可雖時與事異猶恐入之多言且魏王之心

亦不安息顧罷之成王以寵爲懼之美上曰幾致此誤遽遣泰歸

第辛未徙死罪者實四州其犯流徙則充戍各以罪輕重爲年

限敕天下括浮遊無籍者限來年末附舉附者附籍也以兼中書

侍郎岑文本爲中書侍郎專知機密夏四月壬子上謂諫議大

夫褚遂良曰卿猶知起居注所書可得觀乎對曰史官書人君言

動備記善惡庶幾人君不敢爲非未聞自取而觀之也上曰朕有

不善卿亦記之邪對曰臣職當載筆不敢不記黃門侍郎劉洎曰

借使遂良不記天下亦皆記之上曰誠然附錄唐秘史曰司馬溫公作通鑑至太宗之世

忽有衣黃袍者見於前曰先生幸善書公知其爲帝也起持筆跪而言曰臣頭可取筆不可奪遂不見六月庚寅

詔息隱王可追復皇太子海陵刺王元吉追封巢王諡竝依舊

甲辰詔自今皇太子出用庫物所司勿爲限制於是太子發取無
度左庶子張元素上書以爲周武帝平定山東隋文帝混一江南
勤儉愛民皆爲令主有子不肖卒亡宗祀聖上以殿下親則父子
事兼家國所應用物不爲節限恩旨未踰六旬用物已過七萬驢
客之極孰云過此龍樓之下惟聚工匠築苑之內不睹賢良今言
孝敬則闕視膳問安之禮語恭順則違君父慈訓之方求風聲則
無愛學好道之實觀舉措則有因緣誅戮之罪宮臣正士未嘗在
側羣邪淫巧昵近深宮愛好者皆遊手雜色施與者竝圖畫雕鏤
在外瞻仰已有此失居中隱密甯可勝計苦藥利病苦言利行伏
惟居安思危日慎一日太子惡其書令戶奴伺元素早朝戶奴官
奴掌守
門密以大馬箠擊之幾斃 秋七月戊午以長孫無忌爲司徒房

元齡爲司空 庚申制自今有自傷殘者據法加罪仍從賦役隋末賦役重數人往往自折支體謂之福手福足至是遺風猶存故禁之 特進魏徵有疾上手詔問之且言不見數日朕過多矣今欲自往恐益爲勞若有聞見可封狀進來徵上言比者弟子陵師奴婢忽主下多輕上皆有爲而然漸不可長又言陛下臨朝常以至公爲言退而行之未免私僻或畏人知橫加威怒欲蓋彌彰竟有何益徵宅無堂上命輟小殿之材以構之五日而成仍賜以素屏風素褥几杖等以遂其所尙徵上手詔稱處卿至此蓋爲黎元與國家豈爲一人何事過謝 八月丁酉上曰當今國家何事最急諫議大夫褚遂良曰今四方無虞唯太子諸王宜有定分最急上曰此言是也時太子承乾失德魏王泰有寵羣臣日有

疑議上聞而惡之謂侍臣曰方今羣臣忠直無踰魏徵我遣傅太子用絕天下之疑九月丁巳以魏徵爲太子太師徵疾少愈詣朝堂表辭上手詔諭以周幽晉獻廢嫡立庶危國亡家漢高祖幾廢太子賴四皓然後安我今賴公卽其義也知公疾病可臥護之徵乃受詔 癸亥辭延陀眞珠可汗遣其叔父沙鉢羅泥熟俟斤來請昏獻馬二千貂皮三萬八千馬腦鏡一 癸酉以涼州都督郭孝恪行安西都護西州刺史高昌舊民與鎮兵及謫徙者雜居西州鎮兵謂鎮守之兵謫徙謂死罪流徙謫徙者 孝恪推誠撫御咸得其歡心 西突厥乙毘咄陸可汗旣殺沙鉢羅葉護并其眾又擊吐火羅滅之吐火羅一名土壘宜後魏時吐呼羅都蔥嶺西五百里在烏湖河南卽焉水也 自恃疆大遂驕倨拘畱唐使者侵暴西域遣兵寇伊州郭孝恪將輕騎二千自烏骨邀擊敗

之乙昆咄陸又遣處月處密二部圍天山

西州西南有南平安昌兩縣又百二十里至天

山孝恪擊走之乘勝進拔處月俟斤所居城追奔至遏索山降處

密之眾而歸初高昌既平歲發兵千餘人戍守其地褚遂良上疏

以爲聖王爲治先華夏而後夷狄陛下興兵取高昌皆河西爲之

供役飛芻輓粟十室九空數郡蕭然累年不復歲調千餘人屯戍

遠去鄉里破產辦裝又謫徙罪人皆無賴子弟適足騷擾邊鄙豈

能有益行陳所遣多復逃亡徒煩追捕加以道塗所經沙磧千里

冬風如割夏風如焚行人往來遇之多死設使張掖塵飛酒泉瘴

舉陛下豈能得高昌一夫斗粟之用終當發隴右諸州兵食以赴

之耳然則河西者中國之心腹高昌者他人之手足柰何糜敝本

根以事無用之土乎且陛下得突厥吐谷渾皆不有其地爲之立

君長以撫之高昌獨不得與爲比乎叛而執之服而封之刑莫威

焉德莫厚焉願更擢高昌子弟可立者使君其國子子孫孫負荷

大恩永爲唐室藩輔內安外甯不亦善乎

考異曰貞觀政要載遂良疏云數郡蕭然五年

不復下言十六年西突厥遣兵寇西州按實錄此年惟有西突厥寇伊州不云寇西州蓋以伊州隸西州屬部故云爾自十四年滅高昌至此適三年耳何得云五年不復或者三字誤爲五字耳舊傳置此疏於十八年蓋亦因此而誤十八年無西突厥寇西州事

故附上弗聽及西突厥入寇上海之曰魏徵褚遂良勸我復立高

昌吾不用其言今方自咎耳乙毘咄陸西擊康居道過米國破之

米國一曰彌末一曰彌秣賀治末息德城北百里距康居國

虜獲甚多不分與其下其將泥熟

噉輒奪取之乙毘咄陸怒斬泥熟噉以徇眾皆憤怨泥熟噉部將

胡祿屋襲擊之乙毘咄陸眾散走保白水胡城於是弩失畢諸部

及乙毘咄陸所部屋利噉等遣使詣闕請廢乙毘咄陸更立可汗

上遣使齎璽書立莫賀咄之子

莫賀咄見一百九十三卷之二

為乙毘射匱可

汗乙毘射匱既立悉禮遣乙毘咄陸所謂唐者使帥所部擊乙毘

咄陸於白水胡城乙毘咄陸出兵擊之乙毘射匱大敗乙毘咄陸

遣使招其故部落故部落皆曰使我千人一死一人獨存亦不汝

從乙毘咄陸自知不為眾所附乃西奔吐火羅

考異曰舊突厥傳云都護部孝恪敗

咄陸十五年屋利啜等請立可汗按上已云十五年冊授沙鉢羅葉護可汗下不應更云十五年疑六字誤為五字耳二十年實錄敘咄陸兵散居白水胡城事亦云是歲貞觀十五年也按十六年實錄九月癸酉以涼州都督郭孝恪為安西都督則咄陸寇伊州應在其後豈得十五年已敗散乎突厥傳誤蓋亦由此今因孝恪為都護并言之

冬十月丙申殿中監

郢縱公宇文士及卒上嘗止樹下愛之士及從而譽之不已上正

色曰魏徵常勸我遠佞人我不知佞人為誰意疑是汝今果不謬

士及叩頭謝上謂侍臣曰薛延陀屈強漠北今御之止有二策

苟非發兵殄滅之則與之婚姻以撫之耳二者何從房元齡對曰
中國新定兵凶戰危臣以爲和親便上曰然朕爲民父母苟可利
之何愛一女先是左領軍將軍契苾何力母姑臧夫人及弟賀蘭
州都督沙門皆在涼州鐵勒諸部初降以契苾部置榆溪州後又分置賀蘭州何力來降見一百九十四卷
年上遣何力歸覲且撫其部落時薛延陀方疆契苾部落皆欲歸
之何力大驚曰主上厚恩如是奈何遽爲叛逆其徒曰夫入都督
先已詣彼若之何不往何力曰沙門孝於親我忠於君必不汝從
其徒執之詣薛延陀置眞珠牙帳前何力箕踞拔佩刀東向大呼
曰豈有天唐烈士而受屈虜庭天地日月願知我心因割左耳以
誓眞珠欲殺之其妻諫而止上聞契苾叛曰必非何力之意左右
曰戎狄氣類相親何力入辭延陀如魚趨水耳上曰不然何力心

如鐵石必不叛我會有使者自薛延陀來具言其狀上爲之下泣

謂左右曰何力果如何卽命兵部侍郎崔敦禮持節諭薛延陀以

新興公主妻之以求何力

新興公主
皇女也

何力由是得還拜右驍衛大

將軍十一月丙辰上校獵於武功丁巳營州都督張儉奏高

麗東部大人泉蓋蘇文殺其王建武

泉姓也新書曰蓋蘇文者或
號蓋金姓泉氏自云生水中

以賊蓋蘇文凶暴多不法其王及大臣議誅之蓋蘇文密知之悉

集部兵若校閱者并盛陳酒饌於城南召諸大臣其臨視勒兵盡

殺之死者百餘人因馳入宮手弑其王斷爲數段棄溝中立王弟

子臧爲王自爲莫離支其官如中國兵部尙書兼中書令也

改正
兵部

句原文作吏部兼兵部
尙書今改從新舊傳

於是號令遠近專制國事蓋蘇文狀貌雄

偉意氣豪逸身佩五刀左右莫敢仰視每上下馬常令貴人武將

伏地而履之出行必整隊伍前導者長呼則人皆奔迸不避阬谷

路絕行者國人甚苦之

爲征高麗張本

壬戌上校獵於岐陽

貞觀七年分岐州岐

山雍州上宜置岐陽縣屬岐州

甲子賜所過六縣高年孤疾糴衾粟帛因幸慶善

宮召武功故老宴賜極歡而罷庚午還京師壬申上曰朕爲兆

民之主皆欲使之富貴若教以禮義使之少敬長婦敬夫則皆貴

矣輕徭薄斂使之各治生業則皆富矣若家給人足朕雖不聽管

弦樂在其中矣亳州刺史裴行莊奏請伐高麗上曰高麗王建

武職貢不絕爲賊臣所弑朕哀之甚深固不忘也但因喪乘亂而

取之雖得之不貴且山東彫弊吾未忍言用兵也高祖之入關

也隋武勇郎將馮翊党仁宏將兵二千餘人歸高祖於蒲阪從平

京城尋除陝州總管大軍東討仁宏轉餉不絕

謂討王世充時也

歷南甯

戎廣州都督

梁以健爲郡置戎州隋廢州爲郡唐復改郡爲州

仁宏有材略所至著聲迹

上甚器之然性貪罷廣州爲人所訟贓百餘萬罪當死上謂侍臣

曰吾昨見大理五奏誅仁宏

五年制令死罪四三日五覆奏

哀其白首就戮方哺

食遂命撤案然爲之求生理終不可得今欲曲法就公等乞之十

二月壬午朔上復召五品已上集太極殿前謂曰法者人君所受

於天不可以私而失信今朕私黨仁宏而欲赦之是亂其法上負

於天欲席橐於南郊日一進蔬食以謝罪於天三日房元齡等皆

曰生殺之柄人主所得專也何至自貶賁如此上不許羣臣頓首

固請於庭自旦至日昃上乃降手詔自稱朕有三罪知人不明一

也以私亂法二也善善未賞惡惡未誅三也以公等固諫且依來

請於是黜仁宏爲庶人徙欽州 癸卯上幸驪山溫湯甲辰獵於

驪山上登山見圍有斷處顧謂左右曰吾見其不整而不刑則曠軍法刑之則是吾登高臨下以求人之過也乃託以道險引轡入谷以避之乙巳還宮 刑部以反逆緣坐律兄弟沒官爲輕請改從死敕八座議之議者皆以爲秦漢魏晉之法反者皆夷三族今宜如刑部請爲是給事中崔仁師駁曰古者父子兄弟罪不相及至於末世急刻始行烈火原於子產峭泐起於安于然猶未有參夷之酷也秦創其法遂至土崩漢高之務寬大未爲盡善文帝之存仁厚仍多涼德遂使新垣族滅信越菹醢魏晉至隋有損有益凝脂猶密秋荼尙繁皇上爰發至仁念茲刑憲酌前王之令典探往代之嘉猷革弊調苛期於可久奈何以亡秦酷法變隆周中典周禮秋官刑平國用中典父子兄弟罪不相及周法也且父子直是天性兄弟止於同氣誅

其父子足累其心此而不顧何愛兄弟上從之 上問侍臣曰自古或君亂而臣治或君治而臣亂二者孰愈魏徵對曰君治則善惡明賞罰當臣安得而亂之苟爲不治縱暴悞諫雖有良臣將安所施上曰齊文宣得楊遵彥非君亂而臣治乎對曰彼纔能救亡耳

事見一百六十六卷
梁敬帝太平元年

烏足爲治哉

癸亥貞觀十七年春正月丙寅上謂羣臣曰聞外閒士人以太子有足疾魏王穎悟多從遊幸遽生異議微幸之徒已有附會者太子雖病足不廢步履且禮嫡子死立嫡孫

記公儀仲子之喪舍其孫而立其子檀弓曰我未之前聞也問子服伯子曰仲子舍其孫而立其子何也曰昔文王舍伯邑考而立武王微子舍其孫而立衍也夫仲子亦猶行古之道也子游問諸孔子曰否立孫

太子男已五歲朕終不以孽代宗啟窺竅之源也鄭文貞公魏徵寢疾上遣使者問訊賜以藥餌相望於道又遣

中郎將李安儼宿其第動靜以聞止復與太子同至其第問其所
欲對曰嫠不恤緯而憂宗周之亡上將以衡山公主妻其子叔玉
時主亦從上至其家上指主謂徵曰公強視新婦戊辰徵薨命百
官九品以上皆赴喪給羽葆鼓吹陪葬昭陵其妻裴氏曰徵平生
儉素今葬以一品羽儀非亡者之志悉辭不受以布車載柩而葬
上登苑西樓長安禁苑之西樓也望哭盡哀上自製碑文并爲書石上思徵
不已謂侍臣曰人以銅爲鏡可以正衣冠以古爲鏡可以見興替
以人爲鏡可以知得失魏徵沒朕亡一鏡矣 鄆尉游文芝告代
州都督劉蘭成謀反戊申蘭成坐腰斬右武侯將軍耶行恭探蘭
成心肝食之上聞而讓之曰蘭成謀反國有常刑何至如此若以
爲忠孝則太子諸王先食之矣豈至卿邪行恭慙而拜謝 二月

壬午上問諫議大夫褚遂良曰舜造漆器諫者十餘人

說苑堯釋天下舜受

之作爲飲器斬木而茂之猶漆黑之諸侯侈國之不服者十有三

此何足諫對曰奢侈者危亡之

本漆器不已將以金玉爲之忠臣愛君必防其漸若禍亂已成無所復諫矣上曰然朕有過卿亦當諫其漸朕見前世帝王拒諫者多云業已爲之或云業已許之終不爲改如此欲無危亡得乎時皇太子爲都督刺史者多幼稚遂良上疏以爲漢宣帝云與我共治天下者其惟良二千石乎今皇子幼稚未知從政不若且留京師教以經術俟其長而遣之上以爲然 壬辰以太子詹事張亮爲洛州都督侯君集自以有功而下吏怨望有異志亮出爲洛州君集激之曰何人相排亮曰非公而誰君集曰我平一國來逢曠如屋大安能仰排因攘袂曰鬱鬱殊不聊生公能反乎竄與公反亮

密以聞上曰卿與君集皆功臣語時旁無他人若下吏君集必不服如此事未可知卿且勿言待君集如故 鄜州都督尉遲敬德表乞骸骨乙巳以敬德爲開府儀同三司五日一參 丁未上曰人主惟有一心而攻之者甚眾或以勇力或以辯口或以諂諛或以姦詐或以嗜欲輻湊攻之各求自售以取寵祿人主少懈而受其一則危亡隨之此其所以難也 戊申上命閭立本圖畫功臣趙公長孫無忌河閒元王孝恭萊成公杜如晦鄭文貞公魏徵梁公房元齡申公高士廉鄂公尉遲敬德敬公李靖宋公蕭瑀襄公壯公段志元襄公劉宏基蔣忠公屈突通鄭公殷開山譙襄公柴紹邳襄公長孫順德鄭公張亮陳公侯君集鄭襄公張公謹盧公程知節永興文懿公虞世南鄆襄公劉政會莒公唐儉英公李

世勛胡壯公秦叔寶等於凌煙閣

書評不書諡者其人存書野書諡者其人已死南部新書曰凌

煙閣在西內三清殿

側畫功臣皆北面

齊州都督齊王祐性輕躁其舅尚乘直長

陰宏智說之曰

尚乘局屬殿中監有奉御有直長掌內外閑廐之馬辨其麤良而率其習馴者也

王兄弟

既多陛下千秋萬歲後宜得壯士以自衛祐以爲然宏智因薦妻

兄燕宏信祐悅之厚賜金玉使陰募死士上選剛直之士以輔諸

王爲長史司馬諸王有過以聞祐昵近羣小好畋獵長史權萬紀

驟諫不聽有壯士咎君暮著

咎音急

善閉目而射志目則中目志口

則中口其徒王靈智學射於君暮久之曲盡其妙欲射殺君暮以

擅其美君暮時無弓矢執一短刀箭來輒截之末後一矢君暮張

口承之遂齧其鏑于是笑曰汝學射三年獨不教汝齧鏑法耳祐

聞而召用之與梁猛彪俱得幸於祐萬紀皆劾逐之祐潛召還寵

之逾厚上數以書切責祐萬紀恐并獲罪謂祐曰王審能自新萬紀請入朝言之乃條祐過失迫令表首祐懼而從之萬紀至京師言祐必能悛改上甚喜勉萬紀而數祐前過以敕書戒之祐聞之大怒曰長史賣我勸我自首而因以爲功必殺之上以校尉京兆韋文振謹直用爲祐府典軍

唐諸府各有校尉每一校尉領旅帥二人王國親事府帳內府各有典軍

二人正五品上副典軍二人從五品上掌校尉以下守備陪從之事

文振數諫祐亦惡之萬紀性

褊專以刻急拘持祐城門外不聽出悉解縱鷹犬斥君驍猛彪不得見祐會萬紀宅中有塊夜落萬紀以爲君驍猛彪謀殺已悉收繫發驛以聞并劾與祐同爲非者數十人上遣州部尙書劉德威往按之事頗有驗詔祐與萬紀俱入朝祐既積忿遂與燕宏信兄宏亮等謀殺萬紀萬紀奉詔先行祐遣宏亮等二十餘騎追射殺

之祐黨共逼韋文振欲與同謀文振不從馳走數里追及殺之奪
屬股慄稽首伏地莫敢仰視祐因私署上柱國開府等官開庫物
行賞驅民入城繕甲兵樓堞置拓東王拓西王等官吏民棄妻子
夜繼出亡者相繼祐不能禁三月丙辰詔兵部尙書李世勣等發
懷洛汴宋潞滑濟鄆海九州兵討之上賜祐手敕曰吾常戒汝勿
近小人正爲此耳汝素乖誠德重惑邪言去維城之固就積薪之
危壞磐石之親爲尋戈之釁豈不痛哉吾昔聞鄭叔漢戾竝爲猖
獷豈期生子乃自爲之吾所以上慙皇天下愧后土歎惋之甚知
復何云書畢爲之灑泣而遺之祐召燕宏亮等五人宿於臥內餘
黨分統士眾巡城自守祐每夜與宏亮等對妃宴飲以爲得志戲
笑之際語及官軍宏亮等曰王不須憂宏亮等右手持酒卮左手

爲王揮刀拂之祐喜以爲信然傳檄諸縣皆莫肯從時李世勣兵

未至而青淄等數州兵已集其境

淄州淄川郡武德元年分齊州之淄川置爲郡

齊府兵

曹杜行敏等

唐六典王府有兵曹參軍專掌武官簿書考覈儀衛假使等事

陰謀執祐祐左右及

吏民非同謀者無不響應庚申夜四面鼓噪聲聞數十里祐黨有

居外者眾皆攢刃殺之祐問何聲左右給云英公統飛騎已登城

矣

李世勣封英國公飛騎北門屯兵也

行敏分兵鑿垣而入祐與宏亮等被甲執兵

入室閉扉拒戰行敏等千餘人圍之自旦至日中不克行敏謂祐

曰王昔爲帝子今乃國賊不速降立爲煨燼矣因命積薪欲焚之

祐自牖間謂行敏曰卽啟扉獨慮燕宏亮兄弟死耳行敏曰必相

全祐等乃出或挾宏亮目投睛於地餘皆撾折其股而殺之執祐

出身前示吏民還鎖之於東廂齊州悉平乙丑敕李世勣等罷兵

祐至京師賜死於內侍省

星經有宦者四星在天市垣帝座之西周官有巷伯寺人之職皆內官也前漢

宦官多用士人後漢始用宦者爲宮官晉置大長秋卿爲後宮官以宦者爲之隋爲內侍省煬帝改爲長秋監武德初復爲內侍省

同黨誅者四十四人餘皆不問初祐喜養鸚鵡一夕狸齕殺四十

餘鸚皆絕其頭而去及敗牽連誅死者正如其數祐初反時齊州

人羅石頭面數其罪援槍前欲刺之爲燕宏亮所殺祐引騎擊高

村村人高君狀遙責祐曰主上提三尺劍取天下億兆蒙德仰之

如天王忽驅城中數百人欲爲逆亂以犯君父無異一手搖泰山

何不自量之甚也祐縱擊虜之慙其言不能殺及祐平救贈石頭

亳州刺史以君狀爲榆社令

隋義甯元年分上黨之鄉縣置榆社縣屬并州武德元年屬韓州二年置

榆州六年廢州以杜行敏爲巴州刺史封南陽郡公其同謀執祐

者官賞有差上檢祐家文疏得記室郟城孫處約諫書

郟城卽漢潁川郡之

邾縣也後魏置邾城縣及龍山縣隋開皇初改龍山曰汝南十八年改汝南曰輔城大業初改輔城曰邾城併後魏之邾城地屬焉嗟賞之累遷中書舍人庚午贈權萬紀齊州都督賜爵武都郡公諡曰敬韋文振左武衛將軍賜爵襄陽縣公 初太子承乾喜聲色及畋獵所爲奢靡畏上知之對宮官常論忠孝之道或至於涕泣退歸宮中則與羣小相褻狎宮臣有欲諫者太子先揣知其意輒迎拜斂容危坐引咎自責言辭辯給宮臣拜答不暇宮省秘密外人莫知故時論初皆稱賢太子作八尺銅鑪六隔大鼎募亡奴盜民閒馬牛親臨烹煮與所幸廝役共食之又好效突厥語及其服飾選左右貌類突厥者五人爲一落辨髮羊裘而牧羊作五狼頭纛及幡旗設穹廬太子自處其中斂羊而烹之抽佩刀割肉相啗又嘗謂左右曰我試作可汗死汝曹效其喪儀因僵臥於地眾

悉號哭跨馬環走臨其身勢面良久太子歎起曰一朝有天下當

帥數萬騎獵於金城西然後解髮爲突厥妾身思摩若當一設不

居人後矣漢王元昌所爲多不法

元昌上弟也

上數譴責之由是怨望

太子與之親善朝夕同遊戲分左右爲二隊太子與元昌各統其

一被毬甲操竹稍布陳大呼交戰擊刺流血以爲娛樂有不用命

者披樹搥之

披其手足引之就樹而搥之

至有死者且曰使我今日作天子明

日於苑中置萬人營與漢王分將觀其戰鬪豈不樂哉又曰我爲

天子極情縱欲有諫者輒殺之不過殺數百人眾自定矣魏王泰

多藝能有寵於上見太子有足疾潛有奪嫡之志折節下士以求

聲譽上命黃門侍郎韋挺攝泰府事後命工部尚書杜楚客代之

二人俱爲泰要結朝士楚客或懷金以賂權貴因說以魏王聰明

宜爲上嗣文武之臣各有附託潛爲朋黨太子畏其逼遣人詐爲
秦府典籤上封事其中皆言秦罪惡敕捕之不獲太子私幸太常

樂童稱心

樂童童子能執樂隸籍太常者稱心其名也舊書承幹傳云有太常樂人年十餘歲美姿容善歌舞承乾時加

寵幸號

與同臥起道士秦英韋靈符挾左道得幸太子上聞之大

怒悉收稱心等殺之運坐死者數人誚讓太子甚至太子意忝告
之怨怒愈甚思念稱心不已於宮中構宰立其像朝夕奠祭徘徊
流涕又於苑中作冢私贈官樹碑上意浸不憚太子亦知之稱疾
不朝謁者動涉數月陰養刺客紇干承基等及壯士百餘人謀殺
魏王泰吏部尚書侯君集之壻賀蘭楚石爲東宮千牛太子知君
集怨望數令楚石引君集入東宮問以自安之術君集以太子暗
劣欲乘讐圖之因勸之反舉手謂太子曰此好手當爲殿下用之

又曰魏王爲上所愛恐殺下有庶人勇之禍若有敕召宜密爲之

備太子大然之太子厚賂君集及左屯衛中郎將頓邱李安儼頓邱

頓邱屬東郡晉置頓邱郡後齊省隋開皇十六年復置屬魏州武德初屬澶州貞觀初廢澶州以頓邱縣還屬於魏州使謂

上意動靜相語安儼先事隱太子隱太子敗安儼爲之力戰上以

爲忠故親任之使典宿衛安儼深自託於太子漢王元昌亦勸太

子反且曰比見上側有美人善彈琵琶事成願以垂賜太子許之

洋州刺史閔化公趙節慈景之子也趙慈景高祖使之攻河東爲堯君素所殺母曰長

廣公主長廣公主高祖之女駙馬都尉杜荷如晦之子也尙城陽公主上女也

皆爲太子所親暱預其反謀凡同謀者皆割臂以帛拭血燒灰和

酒飲之誓同生死潛謀引兵入西宮西宮謂大內以在東宮西故稱之杜荷謂太

子曰天文有變當速發以應之殿下但稱暴疾危篤主上必親臨

視因茲可以得志太子聞齊王祐反於齊州謂紇于承基等曰我宮西墻去大內正可二十步耳與卿爲大事豈比齊王乎會治祐反事連承基承基坐繫大理獄當死